



左氏 五十九 二十 終

表 十二 廿七年

服部文庫  
117  
207  
36





117  
207  
36

春秋左傳註疏卷第五十九

哀十一年  
盡十五年



晉杜氏註

唐孔穎達疏

經十有二年春用田賦

**直書之者以示改法重賦**

直書至重賦○正義曰用田賦者用田之所收以爲賦令之出牛馬也依實直書之以示改常法重賦斂成元年作丘甲甲是造作之物故言作馬牛賦稅以充之非造作之物且譏其賦不譏其作故書用言舊不用而今用之

夏五月甲辰孟子卒

**魯人諱娶同姓謂之孟子春秋**

不改所以順時

○娶本或作取七喻反又如字

**正義曰論語云君**



娶於吳為同姓謂之吳孟子是魯人常言稱孟子也坊記云魯春秋去夫人之姓曰吳其死曰孟子卒是舊史書為孟子卒及仲尼修春秋以魯人已知其非諱而不稱姬氏諱國惡禮也因而不改所以順時世也魯春秋去夫人之姓曰吳春秋無此文坊記云然者禮夫人初至必書於策若娶齊女則云夫人姜氏至自齊此孟子初至之時亦當書曰夫人姬氏至自吳同姓不得稱姬舊史所書蓋直云夫人至自吳是去夫人之姓直書曰吳而已仲尼修春秋以犯禮明著全去其文故今經無其事

公會吳于橐臯

**橐臯**在淮南逡迤縣東南

○橐章夜反一音託

逡音峻又七倫反適音囚又音巡

秋公會衛侯宋皇瑗于鄆

**鄆**發陽也廣陵海陵縣東

南有發繇亭

○繇音遙鄆發陽也○正義曰十七年傳云孟武伯問於高柴曰諸侯

盟誰執牛耳季羔曰發陽之役衛石魋指此會也知鄆即發陽一地二名也

宋向巢帥師伐鄭

冬十有二月螽

**螽**周十二月今十月是歲應置閏而失

不置雖書十二月實今之九月司歷誤一月九月之

初尚溫故得有螽

○螽音終

傳十二年春王正月用田賦終前年事○夏五月

昭夫人孟子卒昭公娶于吳故不書姓

**諱**娶同姓故謂之孟子若宋女

○諱娶至宋女○正義曰諱子姓長女字孟故惠公元妃謂之孟子今亦稱孟子者全改其本若言此夫人是宋國之長女也釋例曰



經書孟子卒傳言昭公娶于吳故不書姓此為昭公  
 加諱不復繫吳改其姓號傳因而弗革也論語謂之  
 吳孟子蓋時人常言非經傳正文也而賈氏以為言  
 孟子若言吳之長女也稱吳長女既不異於同姓且  
 娶同姓長之與少未聞其異無所為別也  
**死**不赴故不稱夫人  
**不稱夫**  
 人故不言薨不反哭故不言葬小君  
**反哭者夫人**  
 禮也以同姓故不成其夫人喪  
**反哭至人喪**  
 中自墓反虞於正寢所謂反哭於寢反哭者是夫人  
 之正禮也季氏以同姓之故不成其夫人之喪不為  
 反哭故不書葬所以懲臣子之過也釋例曰若昭之  
 孟子者以同姓為關生革其姓過而知晦也然吳之  
 大伯下及魯昭於親遠矣所諱在於名義而已居夫  
 人之位籍小君之尊已三世矣季氏當國而不為之  
 服至今仲尼釋已之經國朝不成其喪以世適夫人  
 不書於策此季氏之咎也杜言不書於策謂不以夫

人之禮書於經也  
**孔子與弔適季氏季氏不絕放經而拜**  
**孔子始老故為弔也絕喪冠也孔子以小君禮往弔**

季氏不服喪故去經從主節制  
 ○與弔音預註同絕  
 音問經大結反去其  
 呂已孔子至節制○正義曰杜以孔子與弔明其  
 反已去臣位若在臣位則服小君之喪不得云與  
 弔而已故云孔子始老始老者謂始致仕也劉炫云  
 按十六年仲尼卒哀公誅之子贛譏云生不能用則  
 是哀公不用仲尼為臣也又世家及諸書無云仲尼  
 仕於哀公杜焉得云孔子始老乎今知不然者以上  
 十一年傳稱仲尼在衛魯人以幣召之是召之而來  
 當以任用故冉有云子為國老待子而行後乃致事  
 故孟子之喪而來與弔若哀公全不能用何須以幣  
 召之但哀公不用其言故云生不能用於傳云上下  
 理甚符同劉以為不仕哀朝以規杜過非也喪服齊  
 衰三月章曰為舊君君之母妻傳曰為舊君者孰謂



或

君秘疏

卷之五

漢書

也仕焉而已者也何以服齊衰三月言與民同也君  
 之母妻則不名也鄭玄云仕焉而已者謂老若有廢  
 疾而致仕者也為小君服者思深於民也是其服與  
 民同不服臣為小君之服故與常弔也禮齊衰之喪  
 始死而纓以至於成服纓以代吉冠故以纓為喪冠  
 也孔子以季孫當服臣為小君之禮故以小君禮往  
 弔季氏傳言適季氏謂適季氏哭位故杜言往弔謂  
 就其哭位也季孫既不服喪孔子不得服弔服故去  
 經從主節制也大夫之弔服弁經鄭玄云弁經者如  
 爵弁而素而加環經大夫如總之經纏而不紉也曲禮  
 云凡非弔喪非見國君無不答拜者鄭玄云喪賓不  
 答拜不自賓客也禮弔無拜法而此言孔子放經而  
 拜者記言喪賓不答拜謂喪主既拜賓賓不答拜耳  
 其初見主人成弔者先拜據此傳文必有拜法記無  
 其事耳○公會吳于橐臯吳子使大宰嚭請尋盟  
 尋鄆盟公不欲使子貢對曰盟所以周信也○周固

故心以制之

制其義玉帛以奉之

奉贄明神

音言以結之

結其信明神以要之

要以禍福

一遙反

寡君以為苟有盟焉弗可改也已若猶可改

日盟何益今吾子曰必尋盟若可尋也亦可寒也

尋重也寒敬也

○重直龍反

○尋重也寒敬也

也則諸言尋盟者皆以前盟已寒更溫之使熱溫舊  
 熱亦可敬之使寒故言寒敬不訓寒為敬也乃不尋

盟○吳徵會于衛初衛人殺吳行人且姚而懼謀於

行人子羽

子羽衛大夫

○且子

子羽曰吳方無道

春秋

卷之五

及古



無乃辱吾君不如止也子木曰吳方無道

大夫國無道必棄疾於人吳雖無道猶足以患衛

為衛患也往也長木之斃無不標也

數蕭反又國狗之瘕無不噬也

音苟瘕吉世反噬市制反齧五結反本或作齧

失道也國狗猶家狗言而況大國乎秋衛侯會吳于

鄆公及衛侯宋皇瑗盟

竊盟也於是乎畏晉而竊與楚盟故曰匱盟彼以畏

晉竊盟故諸侯之卿皆貶而稱人此亦畏吳竊盟以

宜

應貶此三國經遂沒而不書者彼以晉是盟主諸侯

不應背晉故貶諸侯之卿以成晉為霸主此吳以夷

禮自處不合主諸侯之盟故與吳盟者悉皆不書是

不與吳為盟主也既不與吳則三國私盟於義可許

曰諸侯畏晉而竊與楚盟而貶其卿所以成晉為盟

主也吳之疆大始於會鄆終於黃池凡三會三伐三

盟唯書會伐而不書盟者吳以盟主自居而行其夷

禮禮儀不典則盟神不蠲非所以結信義昭明德故

不錄其盟不與其成為盟主也既不與吳之為盟主

則宋魯衛三國私盟可許故無貶文是其說也杜言

三會三伐三盟者七年會于鄆十二年會于橐臯十

三年會于黃池是三會也八年吳伐我十年公會吳

伐齊十一年齊國書及吳戰于艾陵是三伐也七年

傳云夏盟于鄆行八年傳云吳人盟而還十三

年傳云秋七月辛丑盟吳晉爭先是三盟也而卒

春秋左傳

卷之五十一

沈氏

辭吳盟吳人藩衛侯之舍

藩籬○藩方元反註及下同籬力知反



子服景伯謂子貢曰夫諸侯之會事既畢矣侯伯致

禮地主歸餼侯伯致禮以禮賓也地主所會主人

也餼生物餼許氣反諸侯之長謂盟主也侯伯為主

則諸侯之從已者皆為賓致禮禮賓當謂有以禮之

或設飲食與之宴也地主所會之地主人也當歸生

物於賓禮牲生曰餼服虔云致賓禮於地主傳言吳不行禮於衛衛非地主以相辭也

各以禮相辭讓今吳不行禮於衛而藩其君舍以難

之難苦困也且反子盍見大宰乃請束錦以行

以賂吳戶獵反語及衛故若本不為衛請者為大宰語曰寡君願事衛君衛君之來也緩寡君

懼故將止之止執子貢曰衛君之來必謀於其眾

其眾或欲或否是以緩來其欲來者子之黨也其不

欲來者子之讐也若執衛君是墮黨而崇讐也墮

毀也墮許規反夫墮子者得其志矣且合諸侯而

執衛君誰敢不懼墮黨崇讐而懼諸侯或者難以霸

乎大宰語說乃舍衛侯衛侯歸效夷言子之尚幼

子之公孫彌牟說音悅下同舍音捨曰君必不免

其死於夷乎執焉而又說其言從之固矣出公輒

後卒死於越冬十二月螽季孫問諸仲尼仲尼曰



春秋左傳

卷之五

流古

丘聞之火伏而後蟄者畢國火心星也火伏在今十

月○蟄直今火猶西流司歷過也國猶西流言未盡

沒知是九月歷官失一閏釋例論之備國之備○正

義曰月令季夏之月昏火星中詩云七月流火毛詩

云流下也謂昏而見於西南漸下流也周禮司燿云

季秋內火是九月之昏火始入十月之昏則伏火猶

西流者言其未盡沒是夏九月也經書十二月則是

夏九月歷官失一閏故以九月為十月釋例長歷言

諸儒皆以為多實周之九月而書十二月謂之再失

閏若如其言乃成三失非但再也今以長歷推春秋

此十二月乃夏之九月實周之十一月也此年當有

閏而今不置閏此為失一閏月耳十二月不應益故

季孫怪之仲尼以斗建在戌火星尚未盡沒據今猶

見故言猶西流明夏之九月尚可有益也季孫雖聞

仲尼此言猶不即改明年十二月復益於是始悟十

四年春乃置閏欲以補正時歷也傳於十五年書閏

月蓋置閏正之欲明十四年之閏於法當在十二年

也○宋鄭之間有隙地焉隙地間田○隙去逆反

本作間地一音如字曰彌作項丘玉暢岳戈錫國凡六邑○彌

反又亡爾反項若穎反又音傾暢勅亮反一本作子

玉暢岳五咸反戈古禾反錫音羊一音星歷反

產與宋人為成曰勿有是國俱棄之及宋平元之族

自蕭奔鄭國在定十五年鄭人為之城岳戈錫國城

以處平元之族○為之于偽反九月宋向巢伐鄭取錫殺元

公之孫遂圍岳十二月鄭罕達救岳丙申圍宋師國

此事經在十二月益上今倒在下更具列其月以為

水火流

卷之五

及古



別者丘明本不以爲義例故不皆齊同○劉丁老反  
 列○此事至齊同○正義曰杜以此與經別故言  
 反○丘明不以爲義例故使文不齊同○劉炫以爲傳  
 說當時事耳更倒本隙地之事載其日月使與明年  
 相接今知不然者案宣二年壬申朝于武宮是十月  
 五日下午乃云冬趙盾爲旄車之族彼註云壬申是十  
 月五日也既無有日而無月冬又在壬申下明傳文無  
 較例彼既無倒本其事與後年相接足知此亦不爲  
 倒本其事使九月在十二月之下明傳因簡牘舊文  
 或日月前後不以爲例若以倒敘其事爲後年張本  
 案傳之上下凡倒敘事爲後年張本者唯道事之所  
 由不具載其日月○劉  
 以此而規杜過非也

經十有三年春鄭罕達帥師取宋師于岳○書取覆而  
 敗之

戊

史

夏許男成卒

○無傳

○成音城本或作成

公會晉侯及吳子于黃池

○陳留封丘縣南有黃亭近

濟水夫差欲霸中國尊天子自去其僭號而稱子以

告令諸侯故使承而書之

○近附近之近去起呂反僭子念反

○正義曰七年會吳于鄆十二年會吳于橐臯  
 皆不稱子此稱吳子故解之夫差欲霸中國尊天子  
 而自號爲王則諸侯不服故去僭號自稱吳子以告  
 令諸侯故諸侯之策承而書曰吳子吳語說此事云  
 晉侯命董褐告吳王曰今君奄王東海以淫名聞於  
 天下君有短垣而自踰之况蠻荆則何有於周室夫  
 命主有命固曰吳伯不曰吳王諸侯是以敢辭夫諸  
 侯無二君而周無二王君若無卑天子而曰吳公孤  
 敢不順從君命吳王許諾是去其僭號也於  
 此會去王號耳其於吳國猶稱王不改也

春秋

卷之五

五



楚公子申帥師伐陳無傳

於越入吳

秋公至自會無傳

晉魏曼多帥師侵衛無傳

葬許元公無傳

九月螽無傳書災

冬十有一月有星孛于東方無傳平旦眾星皆沒而

孛乃見故不言所在之次  
○孛步內反  
○平旦至  
義曰公羊傳曰孛者何彗星也其言于東方何見  
平旦也杜用彼說眾星皆沒故不言所在之次

于

盜殺陳夏區夫無傳稱盜非大夫○夏戶雅反  
區烏侯反

十有二月螽無傳前年季孫雖聞仲尼之言而不正

歷失閏至此年故復十二月螽實十一月  
○復扶  
又反

傳十三年春宋向魋救其師無傳救前年圍岳師鄭子

賸使徇曰得桓魋者有賞魋也逃歸遂取宋師于岳

獲成護郟延二子宋大夫  
○徇似俊反護火官反  
郟古報反又古毒反

以六邑為虛○為虛並如  
字或音墟非○夏公

會單平公晉定公吳夫差于黃池平公周卿士也

不書尊之不與會○單音善  
不與音預○六月丙子越子伐吳

各



宋一作末

禮記

卷之五

禮記

為二隧○隧音遂無餘謳陽自南方○遂註同

子越大夫○謳烏侯反先及郊吳大子友王子地王孫彌

庸壽於姚自泓上觀之○觀越師泓水名宏反彌

庸見姑蔑之旗○姑蔑越地今東陽大宋縣○蔑亡音其大音泰孟

曰吾父之旗也○彌庸父為越所獲康云大音闡

故姑蔑人得其旌旗不可以見讐而弗殺也大子曰

戰而不克將亡國請待之彌庸不可屬徒五千○屬

會也○屬音獨註同王子地助之乙酉戰彌庸獲疇無餘地

獲謳陽越子至王子地守丙戌復戰大敗吳師獲大

子友王孫彌庸壽於姚○地守故不獲○守手又反下註同復扶

又丁亥入吳吳人告敗于王王惡其聞也○惡諸侯

聞之○惡烏路反註同自到七人於幕下○以絕口○劉古頂反

秋七月辛丑盟吳晉爭先○爭歃血先後○歃所洽反又所甲

吳人曰於周室我為長○吳為大伯後故為長○長

呼司馬寅○寅晉大夫曰日盱矣○盱晚也○盱古旦反

大事未成二臣之罪也○大事盟也二臣歃與寅建

鼓整列二臣死之長幼必可知也○趙鞅至知也○正義曰如此傳

春秋

卷之五

禮記

幕下註本有段蓋抄經  
身為段亦也



文則趙鞅先欲與吳戰也。吳語云：吳晉爭長，未成邊  
 遽仍至，以越亂告吳王懼，乃合大夫而謀曰：無會而  
 歸與會，而先晉執利。王孫雄先對曰：二者莫利，必會  
 而先之。乃為吳王設計，布陳雞鳴，乃定去晉軍一里。  
 昧明，王乃乘枹鳴鼓，三軍皆譁，聲動天地。於是晉軍  
 大駭，乃令董褐請事。賈逵等皆云：董褐，司馬寅也。如  
 彼文，則吳請先戰。國語各記其國之事，言有彼此，故  
 其文不同。○二臣鞅與寅，○正義曰：杜以鞅呼寅，  
 與語明其同憂國事，故以二臣為鞅與寅也。劉炫以  
 為吳晉二臣，今知不然者，以趙鞅呼司馬寅，自相與  
 語云：建鼓整列，二臣死之，皆是鞅寅自謂，故知二臣  
 鞅與寅也。鞅既不共吳臣對論，曲直何得，以二臣為  
 ○正義曰：建立也。立鼓擊之，與戰也。大射禮云：建鼓  
 在阼階西，鄭玄云：建，猶樹也。以木貫而載之，樹之  
 對也。彼謂立之於地，所謂殷人楹鼓，與此別也。對  
 曰：請姑視之。反曰：肉食者無墨。墨，氣色下。今吳王

有墨國勝乎。國為敵所勝，大子死乎。且夷德輕不

忍久，請少待之。少待無與爭。○輕遣。反曰：至死

曰：吳語說此事云：董褐既致命，乃告趙鞅曰：臣觀吳  
 王之色，類有大憂，小則嬖妾適子死，不然則國有難  
 大則越入，吳將毒不可與戰。乃先晉人。盟不書諸

侯耻之，故不錄。乃先晉人。○正義曰：吳語說此事  
 經書公會晉侯及吳子，傳稱公會單平公晉定公吳

夫差，吳皆在下，晉實先矣。經據魯史策書，傳采魯之  
 簡牘，魯之所書，必是依實。國語之書，當國所記，或可  
 曲筆直已，辭有抑揚，故與左傳異者多矣。鄭玄云：不  
 可以國語亂周公所定法。傳云：國語非丘明所作，  
 凡有共說一事而二文不同，必國語虛而左傳實。其  
 言相反，不可強合也。吳人將以公見晉侯，子服景伯對使者曰：



王合諸侯則伯帥侯牧以見於王。伯王官伯侯牧

方伯。○見晉如字又賢遍反伯合諸侯則侯帥子男

以見於伯。伯諸侯長。禮云五官之長曰伯是職

方也九州之長入天子之國曰牧於外曰侯職方者

二伯名主一方州長者州牧各主一州周禮所謂八

命作牧九命作伯是也王合諸侯則伯帥侯牧當如

康王之誥大保帥西方諸侯畢公帥東方諸侯以見

於王也計當盡帥諸侯獨言帥侯牧者舉尊而言其

實盡帥之也伯合諸侯則侯帥子男侯謂牧也牧帥

諸國之君見於伯也亦當盡帥在會諸侯獨云子

男舉小為言其實亦見在會者盡帥以見伯也。自

王以下朝聘玉帛不同故敝邑之職貢於吳有豐於

晉無不及焉以為伯也。今諸侯會而君將以寡君見

晉君則晉成為伯矣。敝邑將改職貢魯賦於吳八百

乘若為子男則將半邾以屬於吳。邾三百乘。○

而如邾以事晉。如邾六百乘。○故

至伯也。正義曰言共職貢於吳有豐於晉無有不

及晉時以吳為伯故也。魯賦至事晉。正義曰七

年傳茅夷鴻請救於吳云魯賦八百乘君之貳也邾

賦六百乘君之私也今魯賦八百乘以貢於吳以吳

為伯故也。吳今帥魯以見於晉則吳為州牧魯為子

男晉成伯矣。邾是子爵以六百乘貢吳邾以吳為伯

故也。魯既以晉為伯吳為牧牧卑於伯則將半邾

三百乘以屬於吳而如邾六百乘以事於晉也。且

執事以伯召諸侯而以侯終之何利之有焉。吳人乃

止既而悔之。謂景伯欺之將囚景伯。景伯曰何也



立後於魯矣。何景伯名將以二乘與六人從遲速。

唯命遂囚以還。及戶牖。戶牖陳留外黃縣西北東。

昏城是。謂大宰曰魯將以十月上辛有事。

於上帝先王季辛而畢。何世有職焉。有職於祭事。

魯將至而畢。正義曰七月辛丑盟囚景伯以還。

今景伯稱十月當謂周之十月周之十月非祭上。

帝先公之時且祭禮終朝而畢無上辛盡於自襄以。

季辛之事景伯以英信鬼皆虛言以恐吳耳。來未之改也。

魯襄公若不會祝宗將曰吳實然。言魯祝宗將告神云景伯不會坐為吳所囚吳人信。

鬼故以是恐之。且謂魯不共而執其賤。

者七人何損焉。大宰嚭言於王曰無損於魯而祇為

名。適為惡名。不如歸之乃歸景伯。吳申

叔儀乞糧於公孫有山氏。申叔儀吳大夫公孫有

山魯大夫舊相識曰佩玉繫兮余無所繫之。繫然

服飾備也已獨無以繫佩言吳主不恤下。繫而捶

反旨酒一盛兮余與褐之父睨之。一盛一器也。睨

視也。褐寒賤之人言但得視不得飲。盛音成又市

葛反父如字又。一盛至得飲。正義曰酒盛於

音甫睨五計反。器故謂一器為一盛。說文云睨邪

視也。詩云無衣無褐何以卒歲。鄭玄云褐毛布也。人

之貴者無衣賤者無褐是褐者寒賤人之衣服也。言

季火流。

王



我與彼禡之父，但得共邪？視對曰：梁則無矣。麤則有之，不得飲之，告已之乏飲也。

之若登首山以呼曰：庚癸乎？則諾。軍中不得出糧，故為私隱。庚西方主穀，癸北方主水。傳言吳子不與

士共飢渴，所以亡。○麤本又作麓七。○對曰：至則諾。以稻梁為貴，故以梁表精，若求梁米之飯，則無矣。麓

者則有之。若我登首山以呼，呼庚癸乎？女則諾。軍中不得出糧，與入，故作隱語為私期也。庚在西方，穀以

秋熟，故以庚主穀。癸在北方，居水之位，故以癸主水。言欲致餅并致飲也。土地名，首山。王欲伐宋，殺其丈

夫而囚其婦人。○以宋不會黃池，故言吳子悖惑。殺。○其丈夫直兩反，又作大夫誤悖補內反。

大宰嚭曰：可勝也，而弗能居也。

乃歸。冬，吳及越平。終伍員之言。○吳及越平。○正義曰：言吳不能

報越，求與之平，終伍員所謂三年始弱也。

經十有四年春，西狩獲麟。麟者仁獸，聖王之嘉瑞也。

時無明王，出而遇獲，仲尼傷周道之不興，感嘉瑞之

無應，故因魯春秋而修中興之教，絕筆於獲麟之一

句，所感而作，固所以為終也。冬獵曰狩，蓋虞人修常

職，故不書狩者，大野在魯西，故言西狩，得用曰獲。狩

手又反，麟呂辛反，又力珍反，瑞獸也。解見。○麟者

詩音瑞，常惠反，應對之應中，丁仲反。○至曰獲

○正義曰：公羊傳曰：麟者仁獸也，何休云：一角而戴

肉，設武備而不為害，所以為仁也。鄭玄詩箋云：麟角

春火流



之末有肉示有武而不用釋獸云麋麋身牛尾一角  
 李巡曰麟瑞應獸名孫炎曰靈獸也京房易傳曰麟  
 麋身牛尾狼額馬蹄有五采腹下黃高丈二廣雅云  
 麒麟狼頭肉角含仁懷義音中鍾呂行步中規折旋  
 中矩遊必擇土翔必入羅網文章斌斌不折生草不羣  
 不旅不入陷奔不入羅網文章斌斌不折生草不羣  
 從鹿其聲麟大牝鹿也從鹿犇聲公羊傳曰麟有王  
 者則至無王者則不至孝經援神契云德至鳥獸則  
 麒麟臻是言麟為聖王之嘉瑞也此時無明王麟出  
 無所應也出而遇獲失其所以歸也夫以靈瑞之物  
 輒軻若是聖人見此能無感乎所以感者以聖人之  
 生非其時道無所施言無所用與麟相類故為感也  
 仲尼見此獲麟於是傷周道之不興感嘉瑞之無應  
 故因魯春秋文加褒貶而修中興之教若能用此道  
 則周室中興故謂春秋為中興之教也春秋編年之  
 書不待年終而絕筆於獲麟之一句者本以所感而  
 作故所以用此為終也釋天云冬獵為狩周之春夏  
 一之冬故稱狩也桓四年公狩于郎莊四年公及齊人

狩于禚禚郎二者公親行皆書公狩此狩不書公卿  
 者蓋是虞人賤官自修常職公卿不行故不書狩者  
 名氏此狩常事本不合書書之為獲麟故也傳稱狩  
 于大野大野之澤在魯國之西故言西狩得用曰獲  
 定九年傳例也杜以獲麟之義唯此而已先儒穿鑿  
 妄生異端公羊傳曰有以告者曰有麋而角者孔子  
 曰孰為來哉孰為來哉反袂拭面涕沾袍曰吾道窮  
 矣說公羊者云麟是漢將受命之瑞周亡天下之異  
 夫子知其將有六國爭疆秦項交戰然後劉氏乃立  
 夫子深閔民之離害故為之隕泣麟者太平之符聖  
 人之類又云麟得而死此亦天告夫子將沒之徵也  
 案此時去漢三百七十有餘年矣漢氏起於匹夫先  
 無王迹前期三百許歲天已豫見徵兆其為靈命何  
 大遠乎言既不經事無所據苟佞時世妄為虛誕故  
 杜氏序云至於反袂拭面稱苟佞時世無取焉蓋賤  
 其虛誣鄙其妖妄故無所取之也說左氏者云麟生  
 於火而遊於土中央軒轅大角之獸孔子作春秋春  
 秋者禮也修火德以致其子故麟來而為孔子瑞也  
 水火荒



奉德侯陳欽說麟西方毛蟲金精也孔子作春秋有  
 立言西方兌為口故麟來許慎稱劉向尹更始等皆  
 以為吉凶不並瑞災不兼今麟為周異不得復為漢  
 瑞知麟應孔子而至鄭玄以為修母致子不如立言  
 之說密也賈逵服虔穎容等皆以為孔子自衛反魯  
 考正禮樂修春秋約以周禮三年文成致麟麟感而  
 至取龍為水物故以為修母致子之應若然龍為水  
 物以其育於水耳麟生於火豈其產於火乎孔子之  
 作春秋門徒盡知之矣丘明親承聖旨目見獲麟丘  
 卿著書尊崇孔德麟若應孔子而來著書無容不述  
 何乃經傳羣籍了爾不言以其既妖且妄故杜悉無  
 取所

小邾射以句繹來奔

射小邾大夫句繹地名春秋止

於獲麟故射不在三叛人之數自此以下至十六年

皆魯史記之文弟子欲存孔子卒故并錄以續孔子

所修之經

○射音亦句古

射小至之經

○正義

莒牟夷文同知射是小邾大夫以句繹之地來奔魯  
 也其事既同其罪亦等傳稱庶其等為三叛人不通  
 數此為四叛人者以春秋之經止於獲麟獲麟以上  
 褒貶是仲尼之意此雖文與彼同而事非孔意故不  
 數也若然魯史書此舊與彼同則竊地顯名史先然  
 矣而昭二十一年傳盛論書三叛人名懲不義也其  
 善志也杜言書曰故書皆是仲尼新意案此類彼則  
 彼是舊文言新意者仲尼所修有因有革因者雖是  
 仲尼因舊舊合仲尼之心因而不改即是新意所以  
 彼傳歸功修者謂之善志為傳所以修之既定乃成  
 為善也故釋例終篇杜自問而釋之云丘明之為傳  
 所以釋仲尼春秋仲尼春秋皆因舊史策書義之所  
 在則時加增損或仍舊史之無或改舊史之有雖因  
 舊文固是仲尼之書也丘明所發固是仲尼之意也



是其說也。公羊穀梁之經皆至獲麟而盡。左氏之經更有此下事者。自此已下至十六年皆是魯史記事之正文也。仲尼所修此記也。此上仲尼修記。此下是其本文。弟子欲存孔子卒。故因經之末并錄魯之舊史。以續孔子所修之經。記仲尼卒之月日。示後人使知之耳。賈逵亦云。此下弟子所記。但不言是魯之舊史耳。

夏四月。齊陳恒執其君寘于舒州。

○寘之。陳恒執其君。○正義

曰。成丁七年。晉欒書執晉厲公。亦先執後弑。與此事同。彼不書者。或此告彼不告。且此非孔子所修。不可以為例也。

庚戌。叔還卒。

無傳。

五月庚申朔。日有食之。

無傳。

亮

陳宗豎出奔楚。

無傳。○豎上主反。

宋向魍入于曹以叛。

曹宋邑。○向舒又反。魍徒回反。

莒子狂卒。

無傳。○狂其廷反。

六月。宋向魍自曹出奔衛。宋向巢來奔。

齊人弑其君壬于舒州。

齊人弑其君壬。○正義曰。宣四年傳例曰。凡弑君稱君。君

無道也。稱臣臣之罪也。發凡言例是周公舊典。此魯史不書陳恒之名。蓋依凡例以齊君無道故。

秋。晉趙鞅帥師伐衛。

無傳。○鞅於文反。

八月辛丑。仲孫何忌卒。

冬。陳宗豎自楚復入于陳。陳人殺之。

無傳。○復扶陳又反。



轅買出奔楚無傳

有星孛無傳不言所在史失之○孛步內反

饑無傳

傳十四年春西狩於大野叔孫氏之車子鉏商獲麟

大野在高平鉅野縣東北大澤是也車子微者鉏

商名居反鉏仕 大野至商名○正義曰鉅訓大也

澤在曲阜之西故稱西狩不書地者得常不書也賈

逵云周在西明夫子道繫周服虔云言西者有意於

西明夫子有立言立言之位在西方故著於西也案

此澤實在魯西舊史因書西耳仲尼不改舊史何以

得示已意若其本實東狩仲尼不得輒改爲西以已

意之所示妄改魯之狩處雖則下愚知其不可豈有

斯人而爲斯事以此立說何妄之甚杜以車子連文

爲將車之子故爲微者鉏商是其名也家語說此事

云叔孫氏之車士曰子鉏商王肅云車士將車者也

子姓鉏商名今傳無士字服虔云車車士微者也子

姓鉏商名以子 **以爲不祥以賜虞人** 時所未嘗見

爲姓與杜異 **故怪之虞人掌山澤之官** 以爲至虞人○正義曰

大野獲麟焉折其前左足載而歸叔孫以爲不祥棄

之於郭外使人告於孔子孔子曰麟也然後取之王

肅云傳曰狩此曰采薪時實狩獵鉏商非狩者采薪

而獲麟也傳曰以賜虞人此云棄之於郭外棄之於

郭外所以賜虞人也然肅意欲成彼家語令與經傳

符同故強爲之辭冀合其說要其文正乖不可合也

今傳言狩而獲麟非采薪者也鉏商不是狩者麟非

狩之所獲何以書爲狩乎以賜虞人虞人當受之矣

棄郭外非賜人之辭不得棄之以爲賜人也公羊傳

曰西狩獲麟何以書記異也何異爾非中國之獸也



然則孰狩之薪采者也薪采者則微者也曷為以狩  
言之大之也曷為大之為獲麟大之也則公羊之意  
當時實無狩者為大麟而稱狩也家語雖出孔家乃  
是後世所錄取公羊之說飾之以成文耳不可與左  
氏合也仲尼觀之曰麟也然後取之

書獲麟言魯至獲麟○正義曰若舉國不識則

書獲麟由仲尼辯之故也服虔云仲尼名之曰麟明

麟為仲尼至也然則麟非常見魯人所疑仲尼聖者

所言必信故魯從而取之此則愚民之信聖也服虔

以仲尼名之即云為仲尼至然則防風之骨肅慎之

矢季氏之獲羊楚王之萍實皆○小邾射以句繹來

問仲尼而後知豈為仲尼至也子路信誠故欲得與

相要誓而不須盟孔子弟子既續書魯策以繫於經

丘明亦隨而傳之終於哀公以卒前事其異事則皆

畧而不傳故此經無傳者多○要於妙反又使子路

子路辭季康子使冉有謂之曰千乘之國不信其盟

而信子之言子何辱焉對曰魯有事于小邾不敢問

故死其城下可也彼不臣而濟其言是義之也由弗

能○乘繩證○使子至弗能○正義曰季

乘之國而信子路之言是其重子路過於一國子路

當以為榮不宜恥與言約子路之意魯伐小邾非已

能禁將令已言不信不可與射約也又射是竊地叛

臣臣之罪惡者也而子路與之相要便是以射為義

恥與不義交好故辭而不能也○齊簡公之在魯也闕止有寵焉

新訓為和邦也



簡公悼公陽生子壬也闕止子我也事在六年○闕苦暫

反及卽位使爲政陳成子憚之驟顧諸朝○成子陳

常心不安故數顧之○憚大且反驟仕救反數所角反諸御鞅言於

公○鞅齊大夫曰陳闕不可並也君其擇焉○擇用

一人弗聽子我夕○夕視事陳逆殺人逢之○陳逆

子行陳氏宗也子我逢之遂執以入○執逆至朝陳

氏方睦○欲謀齊國故宗族和使疾而遺之潘沐備

酒肉焉○使詐病因內潘沐并得內酒肉潘米汁可

以浴頭○遺唯季反潘芳袁反註皆同沐音木汁之十反饗守囚者醉而殺

沐

之而逃子我盟諸陳於陳宗○失陳逆懼其反爲患

故盟之○盟諸陳於陳宗正義曰陳宗陳氏宗主

也初陳豹欲爲子我臣○豹亦陳氏族使公孫言已

言已介達之○介音界媒介也亦因也已有喪而止既而言之

既終喪也曰有陳豹者長而上僂○僂音背僂如字

又丁丈反望視○目望陽事君子必得志○得君子

意欲爲子臣吾憚其爲人也○恐多詐故緩以告子

我曰何害是其在我也使爲臣他日與之言政說遂

有寵謂之曰我盡逐陳氏而立女若何對曰我遠於



陳氏矣。言已疏遠。○說音悅女音汝。遠如字又于萬反。且其違者不

過數人。違不從也。○數所主反。何盡逐焉。遂告陳氏子

行曰。彼得君。弗先必禍。子行舍於公宮。子行逃

而隱於陳氏。今又隱於公宮。夏五月壬申。成子兄弟

四乘如公。成子之兄弟。昭子莊。簡子齒。宣子夷。穆

子安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

安。廩丘子意茲。芒子盈。惠子得。凡八人。二人共一

乘。○廩力甚。成子至一乘。○正義曰。案世本。僖反。芒音亡。子生昭子莊。簡子齒。宣子其夷。穆子

疑也補

我侍人禦之。子我侍人。○禦本亦作御。魚呂反。子行殺侍人

素在內。故得殺之。公與婦人飲酒于檀臺。成子遷

諸寢。徙公使居正寢。○檀大丹反。公執戈將擊之。疑

其欲作亂。大史子餘曰。非不利也。將除害也。言將

為公除害。○大音泰。將為于偽。反。下文逆為余。請下註為公同。成子出舍于庫

以公怒。故聞公猶怒。將出。曰。何所無君。子行抽劍

曰。需事之賊也。言需疑則害事。○需音須。誰非陳宗。

言陳氏宗族衆多。誰非陳宗。○正義曰。子行稱國內之人。誰非陳宗。言陳氏宗族

衆多。力足成事。何為畏子。我欲出奔。所不殺子者。有如陳宗。言子若



欲出我必殺子明如陳宗○正義曰

子懼之陳宗謂陳之先人此稱有如陳宗由定六年

孟懿子謂范獻子曰所不以陽虎為中軍司馬者有

如先君彼註云稱先君以徵其言此

亦然也服虔云陳宗先祖鬼神也

乃止子我歸屬

徒攻闈與大門闈宮中小門大門公門也

○屬之

音闈闈宮至門也○正義曰釋宮云宮中之門謂

韋之闈孫炎曰宮中相通小門也成子在公宮內

知大門公門也計闈在宮內必是得入大門乃得至

闈今言攻闈與大門皆不勝者公宮非止一門蓋從

別門而入兵得至闈

故與大門並攻也

皆不勝乃出陳氏追之失道於

弇中適豐丘弇中狹路豐丘陳氏邑

○弇於檢反

又音淹狹音

洽豐丘人執之以告殺諸郭闈齊闈名成子將殺

大陸子方子方子我臣陳逆請而免之以公命取

車於道子方取道中行入車及彫衆知而東之

知其矯命奪車遂使東

○彫音而矯本

又作橋居表反

出雍門齊

城門也

○雍於

人  
遂一作逐



也數請享飲欲因請討之○數所未及○角反離先謀公請

以鞶易薄音安鞶向離邑薄公邑欲因易邑為公享宴

而作亂音安公曰不可薄宗邑也音安宗廟所在乃益

鞶七邑而請享公焉音安偽喜於受賜以日中為期家

備盡往音安甲兵之備公知之告皇野曰余長離也音安

少長育之皇野司馬子仲○長丁丈反註今將禍余

請即救司馬子仲曰有臣不順神之所惡也而況人

乎敢不承命不得左師不可音安左師向離兄向巢也

○惡鳥請以君命召之左師每食擊鐘聞鐘聲公曰

夫子將食既食又奏音安奏樂公曰可矣以乘車往曰

迹人來告音安主迹禽獸者音安迹子音安主迹禽獸者

地官迹人掌邦田之政凡田獵者受令曰逢澤有介

麋焉音安地理志言逢澤在滎陽開封縣東北遠疑非

介大也音安介音界麋九倫反音安璋音安地理至大也音安

志云開封縣逢澤在東北或曰宋之逢澤也臣瓚案

汲郡古文梁惠王廢逢忌之藪以賜民今浚儀縣有

逢忌陂是也土地名宋都睢陽計去開封四百餘里

非輕行可到故杜以遠疑非也蓋於宋都之旁別有

近地名逢澤也介大也釋詁文案方言畜無耦曰介

杜云大者逢澤大處不應唯一麋若迹人止告一

麋不應公喚左師俱獵故以介為公曰雖離未來得

大劉炫以為一麋而規杜氏非也

不火充

卷之五十一 二十三



左師吾與之田若何皇野稱公命君憚告子難

以遊戲煩大臣野曰嘗私焉嘗試也

君欲速故以乘車逆子與之乘至公告之故拜不能

起司馬曰君與之言使公與要誓公曰所難子者

上有天下有先君言雖誅魑要不負言使禍難及

子對曰魑之不共宋之禍也敢不唯命是聽司馬請

瑞焉瑞符節以發兵瑞符節以發兵正義

軍旅以治兵守鄭衆云牙璋琢以為牙牙齒兵象故

以牙璋發兵若今時以銅虎符發兵也彼用牙璋天子之法諸侯於其封內亦自以命其徒攻桓氏桓

氏向魑其父兄故臣曰不可司馬故臣與桓魑無

懲者其新臣曰從吾君之命遂攻之子願駢而告桓

司馬子願桓魑弟桓司馬即魑也司馬願音祈

欲入入攻君子車止之車亦魑弟曰不能事君

而又伐國民不與也祇取死焉向魑遂入于曹以叛

哀八年宋滅曹以為邑六月使左師巢伐之

欲質大夫以入焉巢不能克魑恐公怒欲得國內

大夫為質還入國質音致不能亦入于曹取質

不能得大夫故入曹劫曹人子弟而質之欲以自固



注亦一作示

之。[國]舍曹子弟。○舍音赦又音捨註同民遂叛之。向魋奔衛。向巢來奔。宋公使止之曰：寡人與子有言矣，不可以絕。向氏之祀，辭曰：臣之罪大，盡滅桓氏可也。若以先臣之故，而使有後，君之惠也。若臣則不可以入矣。司馬牛致其邑與珪焉，而適齊。[國]牛，桓魋弟也。珪，守邑符。信，向魋出於衛地。公文氏攻之。[國]公文氏，衛大夫。求夏后氏之璜焉，與之他玉，而奔齊。陳成子使為次卿。司馬牛又致其邑焉，而適吳。[國]亦不與魋同。○夏戶雅反璜

暫

黃音黃吳人惡之，而反。趙簡子召之，陳成子亦召之，卒於魯郭門之外。阮氏葬諸丘輿。[國]阮氏，魯人也。泰山南城縣西北有輿城，錄其卒葬所在，愍賢者失所。○惡鳥路反阮苦庚反或音岡輿音余○甲午，齊陳恒弑其君壬于舒州。[國]壬，簡公也。孔丘三日齊而請伐齊。三，公曰：魯為齊弱久矣，子之伐之，將若之何？對曰：陳恒弑其君，民之不與者半，以魯之眾，加齊之半，可克也。公曰：子告季孫。孔子辭。[國]辭不告。○三日齊側皆反本又作齊伐齊三如字又息皆反退而告人曰：吾以從大夫之後也，故不敢不言。[國]嘗為大夫。



而去故言後孔丘至告人○正義曰論語錄此事

**疏**與此小異彼云沐浴而朝此云齊而

請彼云公曰告夫三子此云公曰子告季孫禮齊必

沐浴三子季孫為長各記其一故不同耳彼於退而

告人之下又云之三子告此無文者傳是史官所錄

記其與君言耳退後別告三子唯弟子知之史官不

見其告故傳無文也○初孟孺子洩將圍馬於成洩孟懿子

之子孟武伯也圍畜養也成孟氏邑洩息列反成

宰公孫宿不受曰孟孫為成之病不圍馬焉病謂

民貧困○為于孺子怒襲成從者不得人乃反成有

司使孺子鞭之恨恚故鞭成有司之使人○從者

使所吏反註才用反秋八月辛丑孟懿子卒成人奔喪弗內

同恚一瑞反反共音恭註同懼不歸請聽命共使○內如字又

經十有五年春王正月成叛不敢歸成為明年成叛傳

夏五月齊高無平出奔北燕無傳○平普

鄭伯伐宋無傳

秋八月大雩無傳○雩

晉趙鞅帥師伐衛無傳

冬晉侯伐鄭無傳

及齊平魯與齊平

但



衛公孟彊出奔齊

無傳 ○彊苦侯反

傳十五年春成叛于齊武伯伐成不克遂城輪以

偏成○夏楚子西子期伐吳及桐汭宣城廣德縣

西南有桐水出白石山西北入丹陽湖○汭如陳侯

使公孫貞子弔焉弔為楚所伐及良而卒良吳

地將以尸入聘禮若賓死未將命則既斂于棺造

於朝介將命斂力驗反下同造七報反下

將命正義曰聘禮文也服虔云在牀曰尸在棺曰

通稱也案聘禮賓人竟而死遂也主人為之具而殯

入

辯一作抑

介攝其命君弔介為主人主人歸禮幣必以用介受

宿禮無辭也不饗食此謂入竟未至國都賓死其禮

如此聘禮又云若賓死未將命則既斂于棺造於朝

朝主人將欲行禮賓請問之後賓死以柩造朝以尸

於賓館不合以柩造朝以尸將事今上介芋尹云以

尸將事者以吳人不納故芋尹引禮深以辯之杜以

傳有以尸將事故引聘禮斂于棺造于朝介將命

以釋之其實貞子當殯於館不得以尸將事也吳

子使大宰嚭勞且辭曰以水潦之不時無乃廩然隕

大夫之尸廩然傾動貌○勞力報反潦音老廩以

重寡君之憂寡君敢辭上介芋尹蓋對蓋陳大夫

貞子上介重直用反下註同寡君敢曰寡君聞楚

辭上介絕句芋音于付反

家火流

卷之五二十七



為不道薦伐吳國○薦重也滅厥民人寡君

使蓋備使弔君之下吏○備猶副也無祿使人逢天之感大命隕墜絕世于良

言棄也廢日共積○廢行道之日以共具殯斂所積聚之用○共音恭註同積子賜反又如字一日遷次

尸造于門是我寡君之命委于草莽也且臣聞之曰

一禮○朝聘道使以尸行事朝聘道使以尸行事○葬亡於是至之禮

事死如事生禮也於是乎有朝聘而終以尸將事之

禮○朝聘道使以尸行事朝聘道使以尸行事○葬亡於是至之禮

引者是聘賓終以尸將事之禮聘禮又云聘禮喪人

竟則遂也不郊勞不筵凡主人畢歸禮賓唯饗餼之

受是聘而遭喪之禮也其朝禮雖亡賓終及主遭喪

必亦有禮文六年季文子聘於晉求遭喪之禮是也

又有朝聘而遭喪之禮○遭所聘之喪若不以尸將

命是遭喪而還也無乃不可乎以禮防民猶或踰之

今大夫曰死而棄之是棄禮也其何以為諸侯主

謂主盟也先民有言曰無穢虐士○虐士死者備使

奉尸將命苟我寡君之命達于君所雖隕于深淵則

天命也非君與涉人之過也吳人內之○傳言芋尹

蓋知禮○內如字秋齊陳瓘如楚○瓘陳恒之兄

又音納

瓘陳恒之兄

及古聞



子玉也

○瓊古  
喚反

過衛仲由見之

仲由子路

○過古  
未反

曰天或者以陳氏為斧斤既斷喪公室而他人有之

不可知也其使終饗之亦不可知也

反喪息浪反  
下并註皆同若善魯以待時不亦可乎何必惡焉

仲由事孔子故為魯言

吾受命矣子使告我弟

服景伯如齊子贛為介見公孫成

孫宿也曰人皆臣人而有背人之心況齊人雖為子

役其有不貳乎

○背  
音佩

曰人至貳乎○正義曰人皆臣人謂凡人皆臣事於人當一心事上今公孫成而有背人之心謂背魯適

齊況他國齊人雖為子役豈有不學子而為叛貳乎言必效子而為叛貳故杜云言子叛魯齊人亦將叛

也子周公之孫也多饗大利猶思不義利不可得而

喪宗國將焉用之

亡之禍

成曰善哉吾不早聞命

曰寡君使伯告曰寡人願事君如事衛君

齊同好而魯未肯

寡君之願也昔晉人伐衛



晉冠氏喪車五百

在定九年冠氏陽平館陶縣

如字又因與衛地自濟以西禚媚杏以南書社五百

二十五家為一社籍書而致之加敝邑以亂

八年寡君是以寒心若得視衛君之事君也則固所

願也成子病之乃歸成

甲入于贏

姊生慍

孔氏之豎渾良夫長而美孔文子卒通

渾戶門反長大夫車三死死罪三

無與音預與之盟為請於伯姬

於內

焉

苟使我入獲國服冕乘軒三死無與

良夫為大子請閏月良夫與大子入舍於孔氏之外

圍

昏二人蒙衣而乘

寺人羅御如孔

氏孔氏之老樂寧問之稱姻妾以告

遂入適伯姬氏既食孔伯姬杖戈而先

樂力丸反姻音因

乘繩證反

自稱婚姻家

二人大子與

下及註同

二人蒙衣為婦人服也

乘繩證反



天子與五人介與豶從之

介被甲與豶豚欲以盟

○杖直亮反又音丈 豶音加被皮寄反 ○與豶者傳稱諸侯盟誰執牛耳則

盟當用牛此用豕者鄭玄云人君用牛伯姬迫孔悝

於時迫促難得牲耳牲不備牛如孟任割臂以盟莊

公楚昭王割子期之心以盟隨人此及明年太子疾

與豶為盟皆臨時 迫孔悝於厠強盟之 孔氏專政

偏切難以文論也 故劫孔悝欲令逐輒 ○迫孔悝本又作叔悝厠初吏

反 遂劫以登臺欒寧將飲酒炙未熟聞亂使告季子

義曰論語稱子路為季李則字季故呼為季子也使

言

之祿故知為孔氏邑宰 召獲駕乘車 ○召獲衛大夫駕乘車者

不欲戰 ○召上照 行爵食炙奉衛侯輒來奔季子將

入遇子羔將出 ○子羔衛大夫高柴孔子弟子將出

奔 ○召獲至食炙○正義曰丘明為傳雖詳於當時

倒辭義不允若倒此一句則上 曰門已閉矣季子曰

吾姑至焉 ○且欲至門子羔曰弗及不踐其難 言

政不及已可不須踐其難 ○難乃旦反 季子曰食焉

不辟其難 ○謂食孔氏祿 曰子羔至辟其難 ○正義

君故言政不及已不當踐其難季子 子羔遂出子路



入及門公孫敢門焉守門曰無入為也言輒已

出無為復入復扶又反季子曰是公孫也求利焉而逃

其難由不然利其祿必救其患有使者出乃入因

門開而入使所吏反曰大子焉用孔悝雖殺之必或繼

之言已必繼孔悝為難攻大子且曰大子

無勇若燔臺半必舍孔叔大子聞之懼下石乞孟獻

敵于路二子崩贖黨敵當也如字孟音于歷於滅

反以戈擊之斷纓于路曰君子死冠不免不使冠

在地斷丁管反結纓而死孔子聞衛亂曰柴也其來由

也死矣孔悝立莊公莊公崩贖也莊公害故政欲

盡去之故政輒之臣先謂司徒瞞成曰寡

人離病於外久矣子請亦嘗之歸告褚師比欲與之

伐公不果比褚師聲子為明年瞞成奔起申呂

反



人納陳侯於大宮于精赤魯人納之於宮也  
魯未之聞也如州之耳  
魯未之聞也如州之耳  
魯未之聞也如州之耳

春秋左傳註疏卷第六十 哀十六年盡二十七年

晉杜氏註

唐孔穎達疏

經十有六年春王正月己卯衛世子蒯躄自戚入于衛

衛侯輒來奔 書此春皆從告

二月衛子還成出奔宋 即瞞成 音旋

夏四月己丑孔丘卒 仲尼既告老去位猶書卒者魯

之君臣宗其聖德殊而異之魯襄二十二年生至今七十三也四月十八日乙丑無己丑己丑五月十二



曰作可

日日月月必有誤。○孔子卒孔子作春秋終於獲麟之師之卒故採魯史記以續夫子之經而終於此丘明因隨而作傳終於哀公從此已下無復經矣魯襄二十二年生至今七十一則與史記孔子世家異此本非也。疏

仲尼至有誤。○正義曰魯臣見為卿乃書其卒致事而卒猶尚不書仲尼書卒者魯之君臣宗其聖德殊而異之故特命史官使書其卒耳孔子世家云魯襄公二十二年而孔子生孔子年七十三以魯哀公十六年四月巳丑卒杜自以長歷按之四月十八日有乙丑無巳丑巳丑乃是五月十二日也日月必有誤者劉炫云春秋之例卿乃書卒縱令仲尼不告老例不合書而杜云告老去位猶書卒非也今知不然者案周禮典命云公侯伯之卿三命大夫再命仲尼為魯大夫夾谷之會攝相事十一年傳云子為國老是大夫尊者則二命以上準例合書故杜為此註或曰杜為抑揚之辭以為仲尼縱未去位例不合書告

授

老去位猶書卒者欲明魯之君臣宗其聖德之甚劉不尋杜旨以為例不合書而規杜過非也

傳十六年春曠成褚師比出奔宋。○欲伐莊公不果

而奔衛侯使鄆武子告于周。武子衛大夫盼也。鄆

於虔反盼。曰蒯瞶得罪于君父君母通竄于晉晉以

王室之故不棄兄弟寘諸河上。河上戚也。○通布

七亂反寘。天誘其衷獲嗣守封焉使下臣盼敢告執

事王使單平公對曰盼以嘉命來告余一人往謂叔

父余嘉乃成世復爾祿次敬之哉。繼父之世還居

君之祿次。○衷音忠單音善。方天之休。言天方受



爾以休

○休音許蚘反註及下同美也

弗敬弗休悔其可追

傳終

蒯聵之事○夏四月己丑孔丘卒公誅之曰旻天不

弔不憇遺一老俾屏余一人以在位

仁覆閔下故

稱旻天弔至也憇且也俾使也屏蔽也

○誅力軌反說文云諡也

旻亡巾反弔如字又音的憇魚覲反俾必爾反屏必領反熒熒余在疚嗚呼哀哉

尼父無自律

疚病也律法也言喪尼父無以自為

法○熒求營反疚久又反父音甫喪息浪反

公誅至自律○正義曰周禮大祝掌作六辭以通上下親疎遠近六曰誄鄭眾曰誄謂積累生時德行以

賜之命主為其辭即引此傳是為賜命之辭也鄭玄禮記註云誄累也累列生時行迹讀之以作諡此傳唯說誄辭不言作諡傳記羣書皆不載孔子之諡蓋

唯累其美行示已傷悼之情而賜之命耳不為之諡故書傳無稱焉至漢王莽輔政尊尚儒術封孔子後

為褒成侯追諡孔子為褒成宣尼君明是舊無諡也鄭玄禮註云尼父因目字以為之諡謂諡孔子為尼

父鄭玄錯讀左傳云以字為諡遂復妄為此解

子之言曰禮失則昏名失則愆失志為昏失所為愆

生不能用死而誄之非禮也稱一人非名也

天子稱一人非諸侯之名

○愆起君兩失之○六月衛侯

飲孔悝酒於平陽

東郡燕縣東北有平陽亭

○飲於鳩

重酬之大夫皆有納焉

納財賄也醉而送之夜

半而遣之

夜遣者慙負孔悝不欲令人見

○令力

反

春秋

卷之六

禮記

哀公問



載伯姬於平陽而行國載其母俱去及西門國平陽

門使貳車反祔於西圃國使別車還取廟主西圃孔

氏廟所在祔藏主石函國使副車

○正義曰少牢饋食大夫之祭禮其祭無主鄭玄祭

法註云惟天子諸侯有主禘祫大夫不禘祫無主耳

今孔懼得有主者當時僭為之非禮也鄭玄駁異義

云大夫無主孔懼之反祔所出公之主耳案孔氏姑

姓春秋時國唯南燕為姑姓耳孔氏仕於衛朝已歷

多世不知本出何國安得有所出公之主也知是僭

為之子伯季子初為孔氏臣新登于公國并為大夫

請追之遇載祔者殺而乘其車國子伯殺載祔者許

公為反祔國孔懼怪載祔者久不來使公為反逆之

○許公為如字人姓名反本亦作返音同遇之曰與不仁人爭明無不勝

國不仁人謂子伯季子也明無不勝言必勝○爭爭

必使先射射三發皆遠許為許為射之殪國傳言子

伯不仁所以死也○射食亦反下同發如字一或以

其車從國從公為○從才用反得祔於橐中孔懼出

奔宋○橐音託楚太子建之遇讒也自城父奔宋國在

昭十九年○城父音甫又辟華氏之亂於鄭國在昭二十

年○華戶化反鄭人甚善之又適晉與晉人謀襲鄭乃求

復焉鄭人復之如初晉人使諫於子木請行而期焉



**請行襲鄭之期**子木即建也。○諫徒子木暴虐於

其私邑。邑人訴之。鄭人省之。得晉諫焉。遂殺子木。其

子曰勝在吳。子西欲召之。葉公曰。吾聞勝也詐而亂。

無乃害乎。**葉公子高**沈諸梁也。○葉始子西曰。吾

聞勝也信而勇。不為不利。舍諸邊竟。使衛藩焉。**使**

為藩屏之衛。○竟音境。下同。潘方元反。註同。葉公曰。周仁之謂信。

周親也。率義之謂勇。**率行也**。吾聞勝也好復言。

言之所許。必欲復行之。不顧道理。○好呼而求死士。

殆有私乎。**私謀復讐**。復言非信也。期死非勇也。

新

斯必也。子必悔之。弗從。召之。使處吳竟。為白公。**白**

楚邑也。汝陰褒信縣西南有白亭。請伐鄭。子西曰。楚

未節也。**言楚國雖復政令猶未得節制**。不然吾不

忘也。他日又請許之。未起師。晉人伐鄭。楚救之。與之

盟。勝怒曰。鄭人在此。讐不遠矣。**比子西於鄭人**。勝

自厲劍。子期之子平見之。曰。王孫何自厲也。曰。勝以

直聞。不告女。庸為直乎。將以殺爾父。平以告子西。子

西曰。勝如卵。余翼而長之。**以鳥為喻**。○女音汝。卵

反。楚國第**用士之次第**。○第大我死。令尹司馬非



勝而誰勝聞之曰令尹之狂也得死乃非我言我

必殺之若得自死我乃不復成人又復扶子西不悅

勝謂石乞石乞勝之徒曰王與二卿士全反

二卿士子西子期皆五百人當之則可矣乞曰不可

得也五百人不可得曰市南有熊宜僚者若得之

可以當五百人矣乃從白公而見之與之言說告之

故辭告欲作亂宜僚辭距之或作熊相宜僚相息

承之以劍不動按劍指其喉勝曰不

為利諂不為威惕不洩人言以求媚者去之吳人伐

慎白公敗之汝陰慎縣也勅檢反惕他歷反洩息

列反又勝曰至去之正義曰白公告之知必許

以制反其爵位而宜僚辭是不為利而諂也承之

以劍欲刺殺之而宜僚不動是不為威而懼也如此

之人必不是漏泄人言以求媚者也言其必不泄已

謀故舍請以戰備獻與吳戰之所得鎧杖兵器皆

備而獻之欲因以為亂鏡苦代反與吳至為

服虔云欲陳士卒甲兵如與吳戰時所入獻捷杜以

陳列甲兵士卒以入王宮人情所不許豈當時肯聽

之故以為戰時所得鎧杖兵器皆備具許之遂作亂

秋七月殺子西子期于朝而劫惠王子西以袂掩面

而死慙於葉公劫居業反子期曰昔者吾以力



事君不可以弗終。扶豫章以殺人而後死。以效其

多力。豫章大木。穴。扶鳥。石乞曰：焚庫弒子，不然不濟。

白公曰：不可殺王不祥。焚庫無聚，將何以守矣？乞曰：

有楚國而治其民，以敬事神，可以得祥，且有聚矣。何

患弗從？葉公在蔡。蔡遷州來，楚并其地。聚才住。下同。

方城之外，皆曰可以入矣。子高曰：吾聞之以險徼幸

者，其求無饜，偏重必離。險猶惡也，所求無饜，則不

安。譬如物偏重，則離敗，欲須其斃而討之。徼古堯。反。饜於豔。

反。聞其殺齊管修也，而後入。管修，楚賢大夫，故齊

管仲之後，聞其殺賢，知其可討。白公欲以子闔為王。

子闔，平王子啓，五辭王者。子闔不可，遂劫以兵。子

闔曰：王孫若安靖楚國，匡正王室，而後庇焉。啓之願

也，敢不聽從。若將專利，以傾王室，不顧楚國有死不

能。不能從。庇必利。遂殺之，而以王如高府。高

府，楚別府。石乞尹門。為門尹，圍公陽穴宮，負王以

如昭夫人之宮。公陽，楚大夫。昭夫人，王母越女。圍。

魚呂。葉公亦至。及北門，或遇之曰：君胡不胄？國人望

君如望慈父母焉。盜賊之矢若傷君，是絕民望也。若



之何不胃乃胃而進又遇一人曰君胡胃國人望君

如望歲焉○胃直日日以幾○冀君來

○幾音冀若見君面是得艾也○艾安也

○艾音廢民知不死其亦夫有奮心猶將旌君以徇於國

旌表也○夫方于反或音扶奮方而艾掩面以絕民

望不亦甚乎乃免胃而進○言葉先得民心遇箴尹

固帥其屬將與白公○欲與白公并子高曰

微二子者楚不國矣○二子子西子期也相舉之敗

二子功多棄德從賊其可保乎乃從葉公使與國人

公又

以攻白公白公奔山而縊其徒微之○微匿也

○使人與羊汝反一本作使與國人如字與謂與廢也

生拘石乞而問白公之死焉對曰余知其死所而長

者使余勿言○長者謂白公也曰不言

將烹乞曰此事克則為卿不克則烹固其所也何害

乃烹石乞王孫燕奔頡黃氏○燕勝弟頡黃吳地

○普庚反燕烏賢反又烏練諸梁兼二事○二事令尹

司馬國寧○寧安也乃使寧為令尹○子西之子子



國也。使寬為司馬。子期之子而老於葉。傳終言

之。○葉始涉反。衛侯占夢。嬖人以能占夢見愛。○嬖必計

反。求酒於大叔。僖子大叔遺。○大叔音泰。不得與

卜人比。而告公曰。君有大臣在西南隅。弗去懼害。

託占卜夢而言。○此毗志反。去起呂反。乃逐大叔。遺奔晉。

衛侯謂渾良夫曰。吾繼先君而不得其器。若之何。

國之寶器。輒皆將去。良夫代執火者而言。將密謀

屏左右曰。疾與亡君皆君之子也。召之而擇材焉。可

也。召輒。若不材。器可得也。輒若不材。可廢其身。

因得其器。暨告太子。太子疾。太子使五人與獬從

已。劫公而強盟之。盟求必立已。○獬音加。強其丈反。且請殺

良夫。公曰。其盟免三死。盟在十五年。曰。請三之後

有罪殺之。公曰。諾哉。

傳十七年春。衛侯為虎幄於藉圃。於田藉之圃。新

造幄幕。皆以虎獸為飾。○幄於角反。幕武博反。成求令名者。而

與之始食焉。太子請使良夫。以良夫應為令名。成

絕句。求令名者。絕句。應對之應。良夫乘衷甸兩牡。衷甸一轅卿

車。○乘衷甸時證反。說文作佃。云中也。春秋乘中甸一轅車也。牡茂后反。轅卿車。○



正義曰甸即乘也四丘為甸出車一乘故以甸為名  
 是古者乘甸同也衛侯本許良大夫服冕乘軒則衛侯  
 既入良夫為大夫矣傳特言乘衷甸兩牡則良夫下  
 合乘之故知為卿車也兵車一轅而二馬夾之其外  
 更有二驂是為四馬今止乘兩牡而謂之衷乘者衷  
 中也蓋以四馬為上乘兩馬為中乘大事駕四小事  
 駕二為等差故也知大事駕四者異義古毛詩說天  
 子之大夫皆駕也故詩云四牡駢駢周道倭遲是也  
 如今乘輿有大駕中駕小駕為行之等差也其諸侯  
 大夫士唯駕二無四二十七年陳成子以乘車兩馬  
 賜顏涿聚之子士喪禮云贈以兩馬是唯得駕兩無  
 上乘也下文天子數之三罪衷甸不在其數而傳言  
 之者積其奢僭多也紫衣狐裘禮記紫衣君服禮記紫衣君服○  
 然村從之紫衣為君服禮無明文要此云紫衣言良  
 夫不合服之玉藻云玄冠紫綬自魯桓公始也鄭玄  
 云蓋僭宋王者之後服也管子稱齊桓好服紫衣齊  
 人尚之五素而易一紫孔子云惡紫之奪朱蓋當時

人主好服紫衣君既服紫則臣不得僭今傳言紫衣  
 為良夫之罪明紫是君服良夫僭之故言紫衣君服  
 也大夫狐裘非僭言至袒裘不釋劍而食禮記食而熱  
 之者為袒裘張本故偏袒亦不敬禮記袒音但禮記袒音但  
 故偏袒亦不敬禮記袒音但禮記袒音但  
 衣狐白裘錦衣以裼之如此之類皆謂之裼玉藻云君  
 也裼衣之上乃有朝祭正服裘上有兩衣也如此兩  
 衣襲則二衣皆重之裼則袒正服露裼衣玉藻云裘  
 之裼也見美也君在則裼盡飾也服之裼也充美也  
 然則在君之所於法唯有露裼衣耳無露裘之時今  
 良夫為食熱之故偏袒其裘則并裘亦袒是不敬也  
 劍是害物之器不得近至尊故近君則禮記天子使牽以  
 解劍良夫與君食而不釋劍亦不敬也禮記天子使牽以  
 退數之以三罪而殺之禮記三罪紫衣袒裘帶劍禮記三罪  
 罪至帶劍禮記正義曰三者皆偏僭於君故以此  
 為三罪衷甸僭卿耳此此為輕知衷甸非也禮記○三

春秋

卷之六

及古



來

月越子伐吳吳子禦之笠澤夾水而陳越子為左右

句卒句卒鉤伍相著別為左右屯○禦魚呂反下

諫而進吳師分以御之越子以三軍潛涉當吳中軍

而鼓之吳師大亂遂敗之左右句卒為聲勢以分

吳軍而三軍精卒并力擊其中軍故得勝也○諫素

如字又必政反○晉趙鞅使告于衛曰君之在晉也志父為

主請君若大子來以免志父不然寡君其曰志父之

為也○恐晉君為志父教使不一衛侯辭以難大子

為也○恐晉君為志父教使不一衛侯辭以難大子

許今案疑  
是許記

又使栾之栾許父欲速得其處○難乃旦反栾中

夏六月趙鞅圍衛齊國觀陳瓘救衛國觀國書之

子○觀工喚反得晉人之致師者子玉使服而見之

下陳瓘音同釋囚服服其本服曰國子實執齊柄而命瓘曰無

辟晉師豈敢廢命○柄彼子又何辱命反

言不須來致師自將往戰簡子曰我卜伐衛未卜與

齊戰乃還○畏子玉楚白公之亂陳人恃其聚而

侵楚○聚積聚也○聚才住反註及下楚既寧將取

陳麥楚子問帥於大師子穀與葉公諸梁子穀曰右



領差車與左史老皆相令尹司馬以伐陳其可使也

**言**此二人皆嘗輔相子西子期伐陳今復可使也

所類反相息亮反註及下而相國并註同復扶又反子高曰率賤民慢之懼不

用命焉 **右**領左史皆楚賤官 ○率所類反本又作帥下同子穀

曰觀丁父都俘也武王以為軍率 **楚**武王 ○都音若俘芳

是以克州蓼服隨唐大啓羣蠻彭仲爽申俘也文

王以為令尹實縣申息 **楚**文王滅申息以為縣 ○蓼

本又作鄧音丁朝陳蔡封畛於汝 **開**封畛北至汝水 ○畛

反一音貞唯其任也何賤之有子高曰天命不諂 **諂**疑

真

滔他刀反疑也

也 ○諂本又作陷徒戶反令尹有憾於陳 **十五年**子西伐吳

陳使貞子弔吳以此為恨 ○憾本又作感戶暗反天若亡之其

必令尹之子是與君盍舍焉 **舍**右領與左史 ○盍戶獵

反舍音捨又音赦註同臣懼右領與左史有二俘之賤而無其

令德也王卜之武城尹吉 **武**城尹子西子公孫朝

○朝如字使帥師取陳麥陳人御之敗遂圍陳秋七月已

卯楚公孫朝帥師滅陳 **終**鄭裨竈言五反鶉火陳

卒亡 ○鶉音純王與葉公枚卜子良以為令尹 **枚**卜不

斥言所卜以令龜子良惠王弟 ○枚亡杯反沈尹朱曰言

及

吉



言 古 小

過於其志志望也葉公曰王子而相國過將何為

**國**過相將為王也他日改卜子國而使為令尹子

國寧也○衛侯夢于北宮見人登昆吾之觀衛有

觀在於昆吾氏之虛今濮陽城中○觀音工喚反註同虛去魚反下文

同濮被髮北面而譟曰登此昆吾之虛縣縣生之瓜

**瓜**縣縣瓜初生也良夫善已有以卜成大之功若瓜

之初生謂使衛侯得國○被皮義反瓜古華反

宮衛侯之別宮於是衛侯在南宮夢裏身在北宮見

此人北面而觀被髮北面而譟北宮在昆吾觀北故

君而叫譟也余為渾良夫叫天無辜本盟當免三

死而并數一時之事為三罪殺之故自謂無辜必政

反數所公親筮之胥彌赦占之○赦衛筮史曰不害

主反與之邑寘之而逃奔宋言衛侯無道卜人不敢以

實對懼難而逃也○難乃且反下文而難作同衛侯貞卜正卜

夢之吉凶其繇曰如魚窺尾窺赤色魚勞則尾赤

窺救呈反衡流而方羊裔焉○繇直又反衡華首反又如字方

安裔水邊言衛侯將若此魚蒲郎反註同裔以制反

大國滅之將亡闔門塞竇乃自後踰此皆繇辭

戶臘反其繇至後踰○正義曰杜以魚勞則尾赤

竇音豆

方羊不能自安裔焉謂魚至水邊以喻衛

春秋左傳卷之六十三



侯將如此是賈逵之說杜用之也鄭眾以為魚勞則尾赤方羊遊戲喻衛侯淫縱杜不然者以此魚喻衛侯詩云魴魚赫尼王室如燬魚勞則尾赤以勞苦之魚比喻衛侯則方羊為勞苦之狀若其方羊是縱恣之狀何得此勞苦之魚也劉炫以為卜繇之辭文句相韻以喬焉二字宜向下讀之知不然者詩之為體文皆韻句其語助之辭皆在韻句之下即齊詩云侯我與著乎而充耳以素乎而其王詩云君子陽陽左執簧其樂只且之類是也此之方羊與下句將亡自相為韻喬焉二字為助句之辭上繇辭之例未必皆韻此云闔門塞竇乃自後除不與將亡為韻又一薰一蕕十年尚猶有臭不與讓公之繇為韻是或韻或不韻理無定準劉以為喬焉大國謂土地遠焉之大國近不辭矣又以方羊為縱恣之狀而規杜過非也

冬十月晉復伐衛春伐未得志故入其郛

將入城簡子曰止叔向有言曰怙亂滅國者無後

不欲乘人之衰○向許丈反怙音戶衛人出莊公而與晉平晉

立襄公之孫般師而還十一月衛侯自鄆入般師出

**註** 辟蒯聩也○般音班下同鄆音絹初公登城以望見戎州

戎州戎邑問之以告公曰我姬姓也何戎之有焉

**註** 言姬姓國何故有戎邑翦之○削壞其邑聚公使匠

**註** 久不休息公欲逐石圃○石圃衛卿石惡從子

○從才用反未及而難作辛巳石圃因匠氏攻公公闔門

而請弗許踰于北方而隊折股○終如卜言乃自後

踰○隊直類反折之設反股音古戎州人攻之大子疾公子青踰從



祀

公國青疾弟戎州人殺之公入于戎州已氏國已氏

戎人姓○已音紀初公自城上見已氏之妻髮美使

髡之以為呂姜鬢國呂姜莊公夫人鬢髮也○髡若

大計反又庭計反髮皮義反既入焉而示之璧曰活我吾與女璧

已氏曰殺女璧其焉往遂殺之而取其璧衛人復公

孫般師而立之十二月齊人伐衛衛人請平立公子

起國起靈公子○女音汝下同執般師以歸舍諸潞

潞齊邑○潞音路公會齊侯盟于蒙國齊侯簡公弟

平公敖也蒙在東莞蒙陰縣西故蒙陰城也○平公

敖如字

也

一本作驚五報反又五夕反莞音管孟武伯相齊侯稽首公拜齊人怒

武伯曰非天子寡君無所稽首武伯問於高柴曰諸

侯盟誰執牛耳國執牛耳尸盟者○相息亮反季羔曰鄫

衍之役吳公子姑曹國季羔高柴也鄫衍在七年○衍

以善反發陽之役衛石彫國發陽鄆地在十二年石彫

石曼姑之子○彫徒回反鄆音云曼音萬武伯曰然則彘也國彘

武伯名也鄆衍則大國執發陽則小國執據時執者

無常故武伯自以為可執○彘直例反武伯曰然則彘也國彘

小國執牛耳武伯得季羔之言以鄆衍則大國執發

陽則小國執小國執之既合古典武伯自以為魯是小國

及古同



子倫

春秋左傳

卷之十

宋魯

國故云然則彘也杜以傳有小國大國之執故云據時執者無常劉炫以為小國恒執牛耳何得云執者無常若如劉意季羔直舉發陽何須云○宋皇瑗之

郈衍之役吳公子姑曹橫規杜過非也○宋皇瑗之

尹麋瑗宋右師○瑗于春反有友曰田丙而奪其

兄劉般邑以與之劉般愠而行告桓司馬之臣子儀

克○克在下邑不與黽亂故在○劉仕咸反愠紆問

子儀克適宋告夫人曰麋將納桓氏公問諸子仲

子仲皇野初子仲將以杞妘之子非我為子○為適

子杞妘子仲妻○妘音似適○伯非

我兄是良林子仲怒弗從故對曰右師則老矣不識

瑗

麋也○言右師老不能為亂麋則不可知公執之

執麋皇緩奔晉召之○召令還○令力

傳十八年春宋殺皇瑗公聞其情復皇氏之族使皇

緩為右師○言宋景公無常也緩瑗從子○緩戶管

反○言宋至從子○正義曰世族譜瑗皇父充石

○八世孫緩充石十世孫則為從孫非從子二者

必有○巴人伐楚圍鄆○鄆楚邑○音憂初右司馬子

國之卜也觀瞻曰如志○子國未為令尹時卜為右

司馬得吉兆如其志觀瞻楚開卜大夫觀從之後故

命之○命以為右司馬及巴師至將卜帥王曰寧如

春秋左傳

卷之十

宋魯



釋文元文作昆命於龜  
本或依丁  
尚書云

春秋疏

卷之六十一

沈古閣

志何卜焉

寧子國也

類反

使帥師而行請承

承佐王曰寢尹工尹勤先君者也

柏舉之役寢尹

吳由于以背受戈工尹固執燧象奔吳師皆為先君

勤勞

為于偽反

三月楚公孫寧吳由于遠固敗巴師

于鄆故封子國於析君子曰惠王知志

知用其意

逸書也官占卜筮之官蔽斷也昆後也言當先斷意

後用龜也

能也昆命于元龜本依尚書斷下

同

夏書至元龜

正義曰夏書大禹謨之篇也唯

彼能作先耳唯先蔽志昆命于元龜孤安國云

析星歷反

夏書曰官占唯能蔽志昆命于元龜

知用其意

知用其意

知用其意

知用其意

知用其意

知用其意

知用其意

知用其意

知用其意

也

地

帝王立卜占之官故曰官占蔽斷昆後也官占之法

先斷人志後命於元龜言志定然後卜筮杜雖不見

古文其解亦與孔合周禮謂斷獄為

蔽獄是蔽為斷也昆後也釋言文

其是之謂乎志

不疑故不卜也

齊所立故衛侯輒自

皆蒯聩所逐

誤吳使不為備

報越三夷男

從越之夷三種敖東夷也

五刀

及古閣

及古閣

及古閣

及古閣

及古閣

及古閣

及古閣

及古閣

及古閣

夏衛石圃逐其君起起奔齊

齊復歸逐石圃而復石魍與大叔遺

傳十九年春越人侵楚以誤吳也

夏楚公子慶公孫寬追越師至冥不及乃還

越地

丁反

秋楚沈諸梁伐東夷

女及楚師盟于敖

從越之夷三種敖東夷也

五刀

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

齊復歸逐石圃而復石魍與大叔遺

傳十九年春越人侵楚以誤吳也

夏楚公子慶公孫寬追越師至冥不及乃還

越地

丁反

秋楚沈諸梁伐東夷

女及楚師盟于敖

從越之夷三種敖東夷也

五刀

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

齊復歸逐石圃而復石魍與大叔遺

傳十九年春越人侵楚以誤吳也

夏楚公子慶公孫寬追越師至冥不及乃還

越地

丁反

秋楚沈諸梁伐東夷

女及楚師盟于敖

從越之夷三種敖東夷也

五刀

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

齊復歸逐石圃而復石魍與大叔遺

傳十九年春越人侵楚以誤吳也

夏楚公子慶公孫寬追越師至冥不及乃還

越地

丁反

秋楚沈諸梁伐東夷

女及楚師盟于敖

從越之夷三種敖東夷也

五刀

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

及古閣

春秋疏

卷之六十一

沈古閣



反種章

○冬叔青如京師敬王崩故也

言敬王能

終其世終莫弘言東王必大克叔青叔還子

○敬王崩故也

案傳敬王崩在此年世本亦爾世族譜云敬王四十二年崩敬王子元王十年春秋之傳終矣據此則敬王崩當在哀公十七年史記周本紀及十二諸侯年表敬王四十二年崩子元王仁立則敬王是魯哀十八年崩也六國年表起自元王及本紀皆云元王八年崩子定王介立定王元年是魯哀公之二十七年與杜預世族譜為異又世本云魯哀公二十年是定王介崩子元王赤立則定王之崩年是魯哀二十七年也眾說不同

○言敬至大克○正義曰自十六年未詳其正也

○所記者為終竟前事叔青如周計不

○應錄為終莫弘之言故錄之耳莫弘言在昭二十三年此叔青如京師自為敬王崩未知敬王何年崩也

史記十二諸侯年表敬王四十一年孔子卒四十三

年敬王崩則敬王崩在他年也周本紀云敬王崩子元王立八年崩子定王立六年年表定王元年左傳盡此則傳以定王元年終矣杜世族譜云敬王三十年魯哀公十四年獲麟之歲也四十二年而敬王崩敬王子元王十年春秋之傳終矣與史記不同者但史記世代年月事多舛錯故班固以文多抵牾謂此類也案世本敬王崩貞王介立貞王崩元王赤立宋忠註引大史公書云元王仁生貞王介與世本不相應不知誰是則宋忠不能定也又帝王世紀敬王三十九年春秋元終四十四年敬王崩子貞定王立貞定王崩子元王立是世本與史記參差不同良以書籍久遠事多紕繆故杜違史記亦何怪焉劉炫以杜與史記不同而規其過未知劉意能定與否

傳二十年春齊人來徵會夏會于廩丘為鄭故謀伐

晉

十五年晉伐鄭

○廩力甚反為于偽反下為降同

鄭人辭諸侯



秋師還終叔向言晉公室卑○吳公子慶忌驟諫

吳子曰不改必亡弗聽吳子弗聽出居于艾艾

吳邑豫章有艾縣艾五蓋反遂適楚聞越將伐吳冬請

歸平越遂歸欲除不忠者以說于越吳人殺之言

其不量力說如字又音悅○十一月越圍吳趙孟降於喪

食趙孟襄子無恤時有父簡子之喪楚隆曰三年

之喪親暱之極也主又降之無乃有故乎楚隆襄

子家臣暱女乙反趙孟曰黃池之役先王與吳王有質

黃池春十三年先王簡子質盟信也○質曰好惡

在 主

越

同之今越圍吳嗣子不廢舊業而敵之嗣子襄子

自謂欲敵魯救吳非晉之所能及也吾是以為降楚

隆曰若使吳王知之若何趙孟曰可乎隆曰請嘗之

嘗試也乃往先造于越軍曰吳犯間上國多矣聞

君親討焉諸夏之人莫不欣喜唯恐君之志不從請

入視之許之告于吳王曰寡君之老無恤使倍臣隆

敢展謝其不共展陳也造之到反間間側之黃

池之役君之先臣志父得承齊盟曰好惡同之今君

在難無恤不敢憚勞非晉國之所能及也使陪臣敢

廁



展布之。王拜稽首曰：寡人不佞，不能事越，以為大夫。

憂拜命之辱，與之一簞珠。○簞，小筍。○難乃且反。簞音丹。筍，終嗣反。

○者，圓曰筍，方曰筍。宣二年，趙盾見餓人，為之簞食。註云：簞，筍也。不言小，此言小筍者，以盛珠之器，不宜與盛飯器同，故云小耳。

使問趙孟。○問遺也。○遺，唯季反。

曰：句踐將生憂寡人，寡人死之不得矣。王曰：溺人必笑，吾將有問也。

○以自喻所問不急。

猶溺人不知所為而反笑。○句古侯反。溺乃歷反。史黯何以得

為君子。○晉史黯云：不及四十年，吳當亡。吳王感問此也。

○黯於對曰：黯也。進不見惡。○時行則行，退無

謗言。○時止則止。○謗，博浪反。○對曰：至謗言。○正義曰：行無愆，不見怨惡，言人無惡之者，時所用，進在朝廷，言室則無誹謗之言，故得君子之名也。杜解：進退之由，由時可行則行，故有進時可止，則止，故有退時易良。象曰：艮止也。時止則止，時行則行，動靜不失其時，其道光明。言史黯行如此也。王曰：宜哉。

傳二十一年夏五月，越人始來。

○越既勝吳，欲霸中國，始遣使適魯。秋八月，公及齊侯、邾子盟。

于顧，齊人責稽首。○責，十七年齊侯為公稽首，不見

答。顧，齊地。○為于偽反。年未及註同。因歌之曰：魯人之臯，數年不

覺，使我高蹈。

○臯，緩也。高蹈，猶遠行也。言魯人臯緩

○臯，緩也。高蹈，猶遠行也。言魯人臯緩

○臯，緩也。高蹈，猶遠行也。言魯人臯緩



周

春秋左傳

卷之十

汲古閣

數年不知答齊稽首，故使我高蹈來為此會。○臯古

所主反註同覺音角 **○**臯緩至此會。○正義曰：士

又古孝反，蹈徒報反。 **○**喪禮始死復魂之辭云：臯某

復，鄭玄云：臯長聲也。臯者緩聲而長引之，是臯為緩

也。高蹈，高舉足而蹈地，故言猶遠行也。此盟于顧，顧

是齊地，行不出竟而言遠者，止為魯不稽首而為此會，雖近猶恨，故以遠言之耳。 **唯其儒書**

**以為二國憂。** **○**二國齊邾也。言魯據用禮，不肯答稽

首，令齊邾遠至。○令力 **是行也。公先至于陽穀。** **○**先

期至也。○先悉 **齊閭丘息曰：君辱舉玉趾，以在寡君**

**之軍。** **○**息，閭丘明之後。羣臣將傳遽以告寡君，比其

**復也。君無乃勤為僕人之未次。** **○**次，舍也。○傳中戀

反遽其據

反比必 **請除館於舟道。** **○**舟道，齊地。辭曰：敢勤僕人

利反 **不敢勤齊僕為魯除館。**

**傳二十二年夏四月，邾隱公自齊奔越，曰：吳為無道。**

**執父立子，越人歸之。大子革奔越。** **○**邾隱公八年為

吳所囚，十年奔齊。 **○**大子革奔越。○正義曰：革為邾

其父歸之下。 **○冬十一月丁卯，越滅吳，請使吳王居**

**甬東。** **○**甬東，越地，會稽句章縣東海中洲也。○甬音

外反，稽古兮反，句九具反，如淳音拘。 **辭曰：孤老矣，焉**

**能事君，乃縊。越人以歸。** **○**以其尸歸，終史墨子胥之

春秋左傳

卷之十

汲古閣



言也。○焉於虔反。越滅至以歸。○正義曰：吳語說

王懼，使人行成。越王曰：昔天以越賜吳，而吳不受。今

天以吳賜越，孤敢不聽天之命，而聽君之命乎？乃不

許成。因使告吳王曰：以民生之長，王其無死寡人

其達。王於甬句東，夫婦三百，唯王所安。以沒王年，夫

差辭曰：孤之身實失宗廟社稷，凡吳土地人民，越既

有之，孤何以視於天下？夫差將死，使人告於子胥曰：

使死者無知，則已矣。若有知也，遂自殺。吾其何面目以見員也。

傳二十三年春，宋景曹卒。景曹，宋元公夫人小邾

女，季桓子外祖母也。○正義曰：宋景

曹者，宋景公之母，姓曹氏也。昭

二十五年傳云：季公若之姊為小邾夫人，生宋元夫

人，生子以妻季平子。此曹是平子之妻，故為桓子

外祖母也。今康子是桓子之子，父之外祖母，故使

冉有弔且送葬，婦人多以姓繫夫，此以景公見在遣

也。○與音預。是以不得助執紼，使求從與人。○求冉有名

也。○與音預。是以不得助執紼，使求從與人。○求冉有名

與衆也。○與音餘。曰以肥之得備彌甥也。○彌遠也。

康子父之舅氏，故稱彌甥。○彌遠至彌甥。○正義

遠也。釋親云：母之昆弟為舅，請我舅者，吾謂之甥。季

桓子為景公之甥，景公為康子父之舅氏也。桓子於

景公為親甥，故康子致辭。有不腆先人之產，馬使求

薦諸夫人之宰。○薦進也。○薦進也。其可以稱旌繁乎。

稱舉也。繁，馬飾。繁纓也。終樂祁之言，政在季氏。○

繁

姊

平景公故繫其子，小邾姓曹，故稱景曹。季康子使冉有弔且送葬，曰：敝

邑有社稷之事，使肥與有職競焉。○肥，康子名。競，遠

也。○與音預。是以不得助執紼，使求從與人。○求冉有名

與衆也。○與音餘。曰以肥之得備彌甥也。○彌遠也。

康子父之舅氏，故稱彌甥。○彌遠至彌甥。○正義

遠也。釋親云：母之昆弟為舅，請我舅者，吾謂之甥。季

桓子為景公之甥，景公為康子父之舅氏也。桓子於

景公為親甥，故康子致辭。有不腆先人之產，馬使求

薦諸夫人之宰。○薦進也。○薦進也。其可以稱旌繁乎。

稱舉也。繁，馬飾。繁纓也。終樂祁之言，政在季氏。○

繁

及古



步于反

○夏六月晉荀瑤伐齊

荀瑤荀躒之孫知

伯襄子

音智知高無平帥師御之知伯視齊師馬駭遂

驅之曰齊人知余旗其謂余畏而反也及壘而還將

戰長武子請卜武子晉大夫知伯曰

君告于天子而卜之以守龜於宗祧吉矣吾又何卜

焉且齊人取我英丘君命瑤非敢耀武也治英丘也

壬辰戰于犁丘治齊取英丘以辭伐罪足矣何必卜

伯親禽顏庚顏庚齊大夫齊師敗績知

伯親禽顏庚顏庚齊大夫齊師敗績知

月叔青如越始使越也越諸鞅來聘報叔青也始使所

吏反

傳二十四年夏四月晉侯將伐齊使來乞師曰昔臧

文仲以楚師伐齊取穀在僖二十六年宣叔以晉

師伐齊取汶陽在成二年寡君欲徼福於周

公願乞靈於臧氏以臧氏世勝齊故欲乞其威靈

吏令繕將進晉軍吏也繕治戰備萊章曰

君卑政暴萊章齊大夫往歲克敵禽顏庚



懲

春秋

卷之六

汲古閣

也。今又勝都。取廩丘。天奉多矣。又焉能進。是懲言

也。懲過也。○奉扶用反。焉於虔反。懲戶快反。謂過

也。○懲之言服云。僞不信言也。字林作懲云。夢言意不慧。

也。音于例反。○信也。杜云。懲過謬言也。俱是不實之

義。各自以。役將班矣。晉師乃還餼臧石牛。生日餼

器反。餼許。大史謝之。晉大史。○大音。○泰註同。曰以寡君之在

行。在軍行間。牢禮不度。不如禮度。敢展謝之。

終臧氏有後於魯。○邾子又無道。越人執之以歸。何大子華弟

終子贛之言而立公子何。何亦無道。○將以為夫

○公子荆之母嬖。○荆哀公庶子。○嬖必。○計反。

人使宗人釁夏獻其禮。宗人禮官也。○釁許靳反。夏戶雅反。

對曰無之。公怒曰女為宗司立夫人國之大禮也。何

故無之。對曰周公及武公娶於薛。武公敖也。○女音汝。

娶七住。孝惠娶於商。孝公稱惠公弗皇。商宋也。○孝反下同。

惠娶於商。定公名宋是哀公之父。故釁。夏為諱而稱商也。稱尺證反。又如字。自桓以下娶

於齊。桓公始娶文姜。此禮也。則有若以妾為夫人

則固無其禮也。公卒立之。而以荆為大子。國人始惡

之。惡公。○惡烏路。反註同。○閏月。公如越。得大子適郢。

適郢。越王太子得相親說也。○郢以井反。適郢。越王句踐太子名說音悅。

春秋

卷之六

汲古閣



將妻公而多與之地公孫有山使告于季孫季孫懼使因大宰嚭而納賂焉乃止

公因越討已故懼 妻七計反 嚭音路 嚭故吳臣也季孫恐

傳二十五年夏五月庚辰衛侯出奔宋

衛侯出奔宋正義曰服虔云此下但有適城鉏以鉤越無奔宋之事其說未聞今杜云城鉏近宋

邑蓋衛侯出近宋境似欲奔宋衛人以奔宋告也 衛侯為靈臺于藉圃與諸

大夫飲酒焉褚師聲子執而登席

古者見君解韉 公怒辭曰臣有疾異於人

國布五反褚張呂反韉伐反足衣也見賢遍反 足有創疾

創初 若見之君將散之

散暈吐也

亡

散許角反又許各反 是以不敢

不敢解公愈怒

大夫辭之不可

共辭謝公公不可解 褚師出公執

其手

抵徒手屈肘如戟形 曰必斷而足

聞之 褚師與司寇亥乘曰今日幸而後亡

恐死以

得亡為幸 公之入也奪南氏邑

南氏

子南之子公孫彌牟而奪司寇亥政公使侍人納公

文懿子之車于池

懿子公文要公有忿使人投其

車于池水中

初衛人剪夏丁氏 在十一年



謂

音彌子飲公酒納夏戊之女嬖以為夫人其弟期大

叔疾之從孫甥也。期夏戊之子姊妹之孫為從孫

甥與孫同列。如字又才用反註同。期夏至同

期是夏戊之子戊是大叔疾之甥期為大叔疾姊妹

之孫也姊妹之子為甥姊妹之孫與已之孫尊卑同

列男子謂兄弟之孫為從孫少畜於公以為司徒夫

人寵衰期得罪公使三匠父公使優狡盟拳彌優

狡俳優也拳彌衛大夫使俳優盟之欲恥辱也。詩照

反優音憂狡古卯反。而甚近信之故褚師比。鞮登

鞮者。近附近之。公孫彌牟。喪邑者。喪息。公文

要。失車者司寇亥。奪政者司徒期。因三匠與拳

彌以作亂皆執利兵無者執斤。斤工匠所執使拳

彌入于公宮。信近之故得入而自太子疾之宮。譟

以攻公。鄆子士請禦之。鄆子士衛大夫。譟素報

禦魚呂反。彌援其手曰子則勇矣。將若君何。言不

可救。不見先君乎。君何所不逞欲。先君崩曠

也。亂不速奔故為戎州所殺欲令早去。令力且君

嘗在外矣。豈必不反。當今不可眾怒難犯。休而易間

也。乃出將適蒲。蒲近晉邑。間下註內間為君間皆

也。乃出將適蒲。蒲近晉邑。間下註內間為君間皆

也。乃出將適蒲。蒲近晉邑。間下註內間為君間皆

也。乃出將適蒲。蒲近晉邑。間下註內間為君間皆

也。乃出將適蒲。蒲近晉邑。間下註內間為君間皆



同彌曰晉無信不可將適鄆鄆齊晉界上邑彌詐

不知謀故公信之彌曰齊晉爭我不可將適冷冷

近魯邑丁反彌曰魯不足與請適城鉏城鉏近

宋邑居反以鉤越越有君宋南近越轉相鉤牽

鉤古侯反本乃適城鉏彌曰衛盜不可知也請速

自我始乃載寶以歸欺衛君言君以寶自隨將致

衛盜請速行已為先發而同載寶歸衛也公為支離

之卒支離陳名因祝史揮以侵衛陳直觀反

揮衛祝史音揮衛人病之懿子知之知揮為內間

雖知  
共評

見子之子之公孫彌牟文子也請逐揮文子曰無

罪懿子曰彼好專利而妄妄不法夫見君

之入也將先道焉若見君有入勢必道助之

同註若逐之必出於南門而適君所評品其為君間

不審察私故知之評音平夫越新得諸侯將必請

師焉揮在朝使吏遣諸其室難面逐之先逐其家

難乃揮出信弗內再宿為信五日乃

館諸外里外里公所在遂有寵使如越請師請

師伐衛求入前年行今還季康



子孟武伯逆於五梧魯南鄙也見二子曰惡言多矣君請盡之

公僕○重直龍反又直用反見二子曰惡言多矣君請盡之

二子不臣之言甚多欲使公盡極以觀之公宴於五

梧武伯為祝祝上壽酒祝之六反又之又反註

受惡郭重曰何肥也訾毀其貌季孫曰

請飲燕也飲罰也以魯國之密邇仇讐

臣是以不獲從君克免於大行又謂重也肥言重

隨君遠行劬勞不宜稱肥○從才用反又公曰是食

言多矣能無肥乎以激三桓之數食言○激古歷反數所角

之

文子一作武子

潞

註民睦

其

飲酒不樂公與大夫始有惡為二十七年公孫

邾起○樂音洛孫音遜本又作遜

傳二十六年夏五月叔孫舒帥師會越皐如后庸采

樂棧納衛侯舒武叔之子文子也皐如后庸越大

夫樂棧宋司城子納衛侯輒也○棧扶廢反文子欲納之

懿子曰君懷而虐少待之必毒於民懷狠也○懷

反狠胡懇反乃睦於子矣衛師侵外州大獲越納輒之

師出禦之大敗衛師敗掘褚師定子之墓焚之子

平莊之上定子褚師比之父也平莊陵名也○掘



反又其月反本 文子使王孫齊私於皐如 齊衛大

夫王孫賈之子昭子也曰子將大滅衛乎抑納君而

已乎皐如曰寡君之命無他納衛君而已文子致眾

而問焉曰君以蠻夷伐國國幾亡矣請納之眾曰勿

納曰彌牟亡而有益請自北門出 欲以觀眾心

音機 眾曰勿出重路越人申開守陴而納公 申

重也開重門而嚴設守備欲以恐公故不敢入 毗支

反重直龍反下同守 公不敢入師還立悼公 悼公

手又反恐立勇反 廉反 悼公至黜也 正

刺曠庶弟公子黜也 義曰衛世家謂輒為

出公季父黜殺出公南氏相之以城鉏與越人公曰

子而自立是為悼公 期則為此 司徒期也 相息

鉏以兵侵衛衛人申開守陴衛侯不敢入退還城鉏

衛人得以城鉏與越者衛人賂遺於越雖公所在亦

以與 令苟有怨於夫人者報之 夫人期姊也怒期

而不得加戮故勅宮女令苦困期姊 令力呈 司徒

期聘於越 為悼君聘 偽反 公攻而奪之幣期告

王 越王也王命取之期以眾取之公怒殺期之甥

之為大子者 忿期而及其姊為夫人者遂復及夫

人之子 復扶 遂卒于越 終言之也終效夷言死



殺昭疑

于夷○宋景公無子取公孫周之子得與啓畜諸公

宮周元公孫子高也得昭公也啓得弟畜養也

周元至養也○正義曰宋世家云景公卒公子得

殺大子而自立是為昭公昭公者元公之曾孫也昭

公父元公孫糾糾父公子禘秦禘秦即元公小子也

景公殺昭公父糾故昭公怨賊殺大子而自立其說

殺昭公得立之所由與此未有立焉於是皇緩為右

師皇非我為大司馬皇懷為司徒皇懷非我從昆

弟○從才靈不緩為左師不緩子靈圍龜之後樂

莜為司城○溷戶門反樂朱鉏為大

司寇○鉏仕居六卿三族降聽政

也

德

發

三族皇靈樂者降和同也因大尹以達大尹近

官有寵者六卿因之以自通達於君大尹常不告而

以其欲稱君命以令不告君也國人惡之司城欲

去大尹左師曰縱之使盈其罪盈滿也○惡鳥路

其同去重而無基能無傲乎起呂反重而無得以為

基必傲也冬十月公遊于空澤空澤宋邑辛巳卒

于連中連中館名○連如字大尹與空澤之士干

甲甲士千人○典如字典廢奉公自空桐入如沃

宮奉公尸也梁國虞縣東南有地名空桐沃宮宋



專  
今

在

鳥一作鳥

都內宮名。○沃鳥使召六子曰聞下有師君請六子

書畫計策六子至以甲劫之曰君有疾病請

二三子盟乃盟于少寢之庭曰無為公室不利大尹

立啓奉喪殯于大宮三日而後國人知之司城蒞使

宣言于國曰大尹惑蠱其君而惠其利令君無疾而

死死又匿之是無他矣大尹之罪也言大尹所弑

劫居業反少詩照反下註同大宮得夢啓北首而

寢於盧門之外盧門宋東門北首死象盧門外失

國也○首手又者北首生者南鄉故以北首為死

象已為鳥而集於其上味加於南門尾加於桐門曰

余夢美必立桐門北門大尹謀曰我不

在盟少寢盟但以君命盟六卿大尹不盟無乃逐

我復盟之乎使祝為載書六子在唐孟地名復

反孟將盟之祝襄以載書告皇非我襄祝名皇非

我因子潞子潞樂蒞門尹得樂得左師謀

曰民與我逐之乎皆歸授甲使徇于國曰大尹惑蠱

其君以陵虐公室與我者救君者也眾曰與之大尹

徇曰戴氏皇氏將不利公室戴氏即樂氏○徇似



及莊子  
盟

與我者無憂不富衆曰無別惡其號令與君無別

○別彼列反註同戴氏皇氏欲伐公公謂啓樂得曰不可

彼以陵公有罪我伐公則甚焉使國人施于大尹施罪於大尹大尹奉啓以奔楚乃立得司城爲上卿

盟曰三族共政無相害也○衛出公自城鉏使以弓

問子贛且曰吾其入乎子贛稽首受弓對曰臣不識

也私於使者曰昔成公孫於陳僖二十八年衛成

公奔楚遂適陳○使者所史及孫音遜本亦作遜下註除孫皆同甯武子孫

莊子爲宛濮之盟而君入在魯僖二十八年乃定

在魯僖二十八年乃定

襄

訓一作順

也競疆

主

反宛於阮反濮音卜獻公孫於衛齊在襄十四年子鮮子展

爲夷儀之盟而君入在僖二十六年今君再在孫

矣謂十五年孫魯今又孫宋內不聞獻之親外不

聞成之卿則賜不識所由入也詩曰無競惟人四方

其訓之詩周頌言無強惟得人也○詩曰至訓之

周頌烈文之篇戒飾言也無疆乎惟得賢若得其人

四方以爲主爲主四方而國於何有

傳二十七年春越子使后庸來聘且言邾田封于駘

上欲使魯還邾田封竟至駘上○駘他來反又二音臺竟音境



東平陽也

註思子贛補

月盟于平陽西平陽年西平陽正義曰宣八

土地名云宣八年平陽彼註云今泰山有平陽縣此年平陽西平陽也高平南有平陽縣三子皆

從季康子叔孫文子孟武伯皆從后庸盟從如

從才用康子病之恥從蠻夷盟言及子贛曰若在

此吾不及此夫不及與越盟武伯曰然何不

召曰固將召之文子曰他日請念言季孫不能用

子贛臨難而思之難乃夏四月巳亥季康子卒

公弔焉降禮禮不備也言公之多妄妄亡亮反

晉荀瑶帥師伐鄭次于桐丘鄭駟弘請救于

齊弘駟歛子齊師將與陳成子屬孤子三

日朝屬會死事者之子使朝三日以禮之屬音

設乘車兩馬繫五邑焉乘車兩馬大夫服又加之

以五邑乘繩證反召顏涿聚之子晉曰隰之役而

父死焉隰役在二十三年以國之多難

未女恤也今君命女以是邑也服車而朝毋廢前勞

乃救鄭及留舒違穀七里穀人不知言其整也留

舒齊地違去也難乃日反女音及濮雨不涉濮

水自陳留酸棗縣傍河東北經濟陰至高平入濟

傍

丁



禮反下同 子思曰大國在敝邑之宇下是以告急

今師不行恐無及也 子思國參 成子衣製

杖戈 製雨衣也 子衣於既反製音 制杖直亮反又音丈 立於阪上馬

不出者助之鞭之知伯聞之乃還 畏其得衆心 阪

音反一音 曰我卜伐鄭不卜敵齊使謂成子曰大夫

陳子陳之自出陳之不祀鄭之罪也 十七年楚獨

滅陳非鄭之罪蓋知伯誣陳子故陳子怒謂其多陵

人故寡君使瑤察陳衷焉 衷善也 謂大夫其

恤陳乎若利本之顛瑤何有焉 言陳滅於已無傷

成子怒曰多陵人者皆不在知伯其能久乎中行文

子告成子 文子荀寅此時奔在齊 行戶曰有自

晉師告寅者將為輕車千乘以厭齊師之門則可盡

也成子曰寡君命恒曰無及寡無畏衆雖過千乘敢

辟之乎將以子之命告寡君 成子疑其有為晉之

心也 輕遣政反厭於甲反又音於 無及寡 義曰無陵侮

寡少而橫 文子曰吾乃今知所以亡 自恨已無知

君子之謀也始衷終皆舉之而後入焉 謀一事則

當慮此三變然後入而行之所謂君子三思 息暫反



尺

氏已

以

又如此。君子至入焉。○正義曰：君子之為謀也，思其始，思其中，思其終，三者盡無猜嫌，皆可舉而行之。然後設言以入前人焉。今我三不知而入之，不亦難乎？悔其言不可復，公患三桓之侈也，欲以諸侯去之。欲求諸侯師以逐三桓。○侈昌氏反，又昌氏反。三桓亦患公之妄也，故君臣多間。間隙也。公游于陵阪，遇孟武伯於孟武之衢，曰：請有問於子，余及死乎？問可得壽死否，對曰：臣無由知之。三問卒辭不對，公欲以越伐魯而去三桓。秋八月甲戌，公如公孫有陘氏。有陘氏，即有山氏，因孫於邾，乃遂如越。國人施公。

孫有山氏

以公從其家出故也

終子贛之言，君不

沒於魯

○因孫於邾音遜

悼之四年，晉荀瑤帥師圍鄭。

悼公，哀公之子寧也。哀公出孫，魯人立悼公。

○悼公至

悼公○正義曰：魯世家云：哀公奔越，國人迎哀公復歸，卒於有山氏。子寧立，是為悼公。傳稱國人施罪於有山氏，不得復歸而卒。未至鄭，駟弘曰：知伯懷而好於其家也，馬遷妄爾。

勝早下之，則可行也。

○行去聲，好呼報反，早一本作蚤，下戶嫁反。

乃先保

南里以待之。

保守也。南里在城外，知伯入南里門。

于桔株之門，鄭人俘鄩魁壘。

○鄩魁壘，晉士。○桔，反。

吉反。

大結反，俘芳夫反，鄩戶吏反。賂之以知政，欲使反為反魁，苦回反，壘力軌反。

註行去也補

戶桔

春秋

卷之二十一

及五



何一作可

廢適

伯魯

矣

鄭閉其口而死將門○將攻鄭門知伯謂趙孟入之  
 對曰主在此○主謂知伯也言主在此何不自入也  
 知伯曰惡而無勇何以爲子○惡貌醜也簡子奔敵  
 子而立襄子故知伯言其醜且無勇何以立爲子○  
 丁歷○簡子至爲子○正義曰趙世家云孤布子  
 反○卿見簡子簡子徧召諸子相之子卿曰無爲  
 將軍者簡子召子毋恤毋恤至子卿起曰此真將軍  
 矣簡子曰此其母賤翟婢也奚道貴哉子卿曰天之  
 所授賤必貴自是之後簡子盡召諸子與語  
 毋恤最貴乃廢大子伯魯而以毋恤爲太子○對曰  
 以能忍恥庶無害趙宗乎知伯不悅趙襄子由是甚  
 知伯○甚毒也○○甚其黃  
 反註同遂喪之知伯貪而愎故韓

殺知伯

子

御車

四

魏反而喪之○史記晉懿公之四年魯悼公之十四  
 年知伯帥韓魏圍趙襄子於晉陽韓魏反與趙氏謀  
 殺知伯於晉陽之下在春秋後二十七年○喪息  
○記至七年○正義曰晉世家云定公三十三年  
 孔子卒三十七年定公卒則晉定公以魯哀公二十  
 年卒也又云定公卒于出公鑿立十七年出公奔齊  
 則出公之奔在魯悼公之十年也又云出公既奔知  
 伯立昭公會孫驢爲晉君是爲哀公哀公之四年趙  
 襄子韓康子魏桓公共殺知伯是殺知伯當魯悼公  
 之十四年也又六國年表亦云晉哀公四年魯悼公  
 十四年韓魏趙敗知伯於晉陽戰國策說此事云知  
 伯帥韓康子魏桓子攻趙襄子於晉陽引汾水以灌  
 之城不沒者三版知伯行水魏桓子御車韓康子爲  
 右知伯曰吾今乃知水可以亡人之國汾水可以灌  
 安邑終水可以灌平陽安邑魏王平陽韓也魏桓子



肘韓康子韓康子躡魏桓子之足躡夜趙襄子使張孟談私於韓魏韓魏反與趙合遂殺知伯於晉陽之下而三分其地事在春秋獲麟之後二十七年

皇朝原履士志在尚難備張相古原主氏麟



